



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



# ANTONII

## BERGAE

### PROOEMIUM

#### IN LIB. PHYSICORUM.

#### ARISTOTELIS.



VM perobscura atque involuta quaecumq. sint, ab interpretibus adhibita ad explanationem praefationis. ad libros physicarum auscultationum, si ante dogmatum Arist. enarrationem, praecipua illius capita attingerem, me operis pretium facturum putavi, quorum primum uniuersę, quę de Natura est contemplationis, subiectum, siue materiam aperiet, secundum autem diuisionem, nec non numerum, cum ordine partium illius, quas Arist. peripateticę disciplinę princeps, conscriptas reliquit, tertium uerò cętera insinuabit capita, quę inscriptionem, scopum, atq. utilitatem operis physicorum aperiant. Quod autem ad primum caput attinet, nondum constat, quid nam uere sit commune genus toti physiologię accommodarum, quandoquidem quot quot interpretes, totidem in hanc usq. diem sententię circumferantur. Nam Latini a, quibus totam disputationem auspicabor, aut Ens mobile, aut corpus mobile, siue naturale,

aut

## Antonij Bergæ. comment.

que substantiam finitam, aut etiam infinitum naturale constituerunt commune genus naturalis disciplinæ, propterea quod subiecti proprietates præcipue unicuique ex propositis competere uideantur. Nam Ens ipsum mobile in primis si expèderimus, omnia in naturali scientia tradita complectitur, ad corpus uerò mobile quæcunque referuntur, aut ut principia, aut ut partes, aut ut passionem, quemadmodum etiam ad corpus naturale, quod nihil aliud esse uidetur, quam substantia quædam finita. Nam materia formaque uidentur corporis naturalis siue mobilis principia, quia alterius corporis nequaquam sint principia, nec mathematici, nec etiam artificialis, corpora simplicia, & mista illius corporis sunt partes, cætera uerò passionem, siue motum, mistum uerò naturale omnia hæc habet, principia materiam primam cum forma, causas quatuor elementa, partes multa perfecta, imperfecta. animata non animata passionem denique corporum omnium mistorum, quæ cum cæteris ad infinitum corpus referuntur. Nec uidetur aliud sentire Arist. cum initio lib. de cælo doceat, scientiam de natura uersari circa corpora, magnitudines, passionem horum, & motus. Et insuper circa principia, quæ sunt substantiæ talis. quod præterea colligitur initio lib. phy. cum a principiis auspicandum doceat, quia res naturales principia habeant, cum sint compositæ atque corporeæ. ex Theophrasti sententia. quo quidem corporis genere etiam distinguitur naturalis philosophia, a mathematica atque Metaphysica, cum mathematicæ sint de rebus corporeis immobilibus tamen, Metaphysica uerò de omnino incorporeis atque immobilibus, quibus etiam ente mobili distinguitur, quoniam de ente simpliciter sit Metaphysica, de ente quanto Mathematica. de mobili naturalis.

Præter Latinos, alij Naturam cum Platone in Timeo, subiectum constituent quod in primis inscriptio ipsa indicat, quæ de natura est, deinde uerò quoniam Arist. in hoc operæ methodum dicat esse de natura, nec non de rebus naturalibus, quæ ab ipsa natura comprehenduntur, atque denominantur, quamobrem quicquid natura non est, ad naturalem disciplinam minime attineat, sed ad metaphysicam, aut mathematicam. nam prima materia forma, nec non forme omnes materiales, naturæ quædam sunt, alia uerò aut a natura ipsa, aut secundum naturam, erit igitur proculdubio natura subiectum commune toti philosophiæ naturali. Themistius autem in paraphr. lib. 12. Metaphy. Videtur substantiam ipsam sensilem, quæ quidem a motu nequaquam separat, hoc est substantiam ipsam mobilem, quoniam uideatur Arist. lib. 7. Metaphy. particula 5. Sensilem substantiam nihil aliud fore quam substantiam ex se mobilem asserere. quæ sane opinio Arist. ipso nititur, qui tum initio lib. 12. metaphy. nec non 7. contex. 24. aliud non tribuat subiectum naturali scientiæ quo 2. cæteris distinguatur, quam substantiam ipsam sensilem, tum caducam tum uerò æternam, quoniam intelligibilem in materialem atque æternam tribuat Metaphysico, cum nihil utriusque sit commune: sensilis enim sensu

sensu ipso comprehenditur quam antiqui omnes concesserunt, intelligibilis uerò, atq. immobilis solo intellectu apprehenditur. porro sensilis substantia naturali scientia indiget, non enim ex motu euadit, secundum omnes eius partes, altera uerò ad aliam scientiam, eamq. nobiliores, quam sit scientia naturalis attinet, cum nihil sit commune ipsis, aut in generatione, aut in loco, aut in augmento, aut in decremento, nec commune principium habeant, a quo producantur, nam prima nullum principium habet, secundæ uerò principium est ipsa substantia prima, quæ natura prior est mutabili substantia, ex his uerò contex. aperte colligitur substantiam sensilem, quæ cum motu est, cum nihil cum immobili atq. abstracta commune habeat, ad naturalem attinere, illiusq. subiectum esse, quo a Metaphysica separatur: quod primum docuit initio. 6. Metaphy. cum inquit. Quoniam uerò physica est circa quoddam genus Entis, nam circa talem substantiam, in qua est principium motus & status, quæ quidem nihil aliud est, quam mobilis substantia, quæ eadem est cum sensili, quod uidetur etiam Auer. sentire, cum docet res sensiles in quantum transmutabiles, hec non earum accidentia subiectum esse. Nihil enim cum sit, quod ad substantiam sensilem hoc est mobilem non reducat, quoniam materia prima talis sit, cum principium motus passionum existat nec non forma, de eadem natura omnis, cuius principia partes atq. passionnes in naturali disciplina explicantur, nihil uidetur aptius statuendum fore, pro materia uniuersa totius physiologie, quam sensilis hæc siue mobilis substantia, cum substantia consideratione Metaphy. & naturalis sibi uindicant. ex Arist. præceptis, atq. Auerrois. Mathematicæ autem ipsorum accidentia.

In hac uerò opinionum multitudine, difficillimum multis uisum est, aliquid pro Veritate statuere, cum alij ad rem nihil attinere putent, quodcumq. dixerimus, propterea quòd hæc solis nominibus inter se distinguantur, quod tamen mihi nunquam placere potuit, quoniam si uita eorum expenderimus, ualde differre uideantur. Nam Ens mobile quid communius corpore denotat, cum etiam ad corpora principia ad animam se extendat, & cæteras formas quæ non solum moient, sed etiam mouentur, corpus uerò etiam latius patet, quam mistum, cum de simplicibus etiam corporibus dicatur, mistum uerum solum de his, quæ ex quatuor elementis producta sunt, & constituta, substantia, præterea sensilis non adeo communis est, ueluti Ens mobile, quod etiam accidens comprehendit. quare aliter definiendam esse huiusmodi controuersiam existimo, atq. Vnum eorum, quæ recensuimus, pro subiecto genere totius scientiæ naturalis constituendum fore, quod sanè commode præstabimus, si unamquamq. opinionem antea expenderimus: In primis ergo minime uidetur apta ea opinio, quæ profertur Ens ipsum mobile genus siue materiam naturalis disciplinæ esse, propterea quòd operæ pretium esset, Metaphysicam de Ente immobili quod oppositur Enti mobili existere, quo posito con-

## Antonij Bergæ comment.

to consequeretur Metaphy. esse scientiam particularem, non autem communem, quod Arist. negat, cum Logica & Metaphy. scientiæ communes sint, præterea nullum etiam indicaretur penes subiectum discrimen a mathematica, quæ etiam de Ente immobili esse uidetur: præter ea nullo loco Arist. proposita Entis diuisione in mobile atq. immobile, scientias speculatiuas distinguit aut illarum numerum definiuit, Nam de Ente simpliciter docet lib. 6. Metaphy. esse Metaphysicam; de tali Ente, quod habet principium insitum motus naturalem, quæ est scientia Theorica, non autem aut practica aut factiua, opinio præterea quæ proficetur corpus mobile, minime congrua est, in primis quoniam multa in naturalibus tractentur, quæ corpora non sunt, prima materia, primum mouens, anima, quæ substantia quædam est in corporea, ex Arist. sententia, deinde uerò quoniam lib. 6. phy. probet Arist. corpus mobile esse, quod conditionibus subiecti repugnat. Nec obstant fundamenta, quibus hæc opinio mittitur, primum enim ab Arist. propositum initio lib. de cælo, non statuit corpus esse materiam uniuersam, sed alia multa adiungit, præter corpus, quæ quidem etiam si ad corpus referantur, ob id eam corpus non erit subiectum. quia alia ad subiectum commune requirantur, præterea multa sunt, quæ ad corpus minime referuntur, ut primum mouens. anima intellectiua, quæ nullam cum corpore communem actionem habent, præterea non urget fundamentum ex lib. post analy. subiectum habere principia partes & passionem, quæ corpus mobile admittit, ob duas rationes, primum quoniam propositio Arist. de subiecto principali non totali Veritatem habet, quoniam tale cum simplicissimum sit principia non habet in complexa, sed tantum principia complexa ex quibus. passionem in his quæ ab eo continentur ostendimus quod in scientia de Deo maxime est conspicuum atque de Ente quatenus Ens, quæ principia essendi nulla habent, de totali autem scientiæ subiecto nihil quod ad se est, & quid est attingat, in scientia propria ostendi debet. quoniam id omne a superiori artifice desumitur, nimirum ergo si Arist. dixerit; genus subiectum non autem subiectum simpliciter atque absolute, quoniam subiectum commune principia essendi non requirat, sed tantum principia quæ ad demonstrationes requiruntur, quæ principia cognoscendi uocantur. præterea corpore mobili apte non distinguitur naturalis a, metaphysica, cum de corpore separato atque immobili non sit metaphy. cum tale in rerum natura nequaquam detur, omne enim corpus præter mathematicum mobile est. atque in loco continetur. Nec minus mistum erit, cum minima pars sit de mistis. Sequitur igitur nullam magis ex Arist. fontibus peripateticam, fore ea opinione, quæ proficetur substantiam ipsam sensilem, hoc est ex se mobilem, subiectum esse philosophiæ naturalis, in primis quoniam ex substantia & accidente quæ sunt primæ entis partes scientias speculatiuas ratione subiecti distinxerit, numerumq. illarum definiuit, deinde uerò quoniam nihil sit in naturali disciplina tra-

tum

ditum, quod sub hoc substantię genere non contineatur, & ad quod non reducatur. de qua nihil quod ad se est, attineat docet, cum substantiam mobilem esse, atq. sensilem in Metaphy ex Antiq. consensu doceat, eamq. definiat: quam obrem Natura excluditur, cuius quid est tradit atq. quoniam dubium sit an omnis anima natura sit; paucaq. admodum lib. 2. Phy. de natura tradita sint, ob materiam formam atq. motum. non autem principaliter, quoniam de illa agat ut quodam principium est cognoscendi. Nec urget inscribi scientiam de natura, quoniam ita inscribi noluit Arist. ut quodam maxime cōe haberet, quod quo a Metaphysica distingueretur. quia non semper a materia inscriptio sumitur. Erit ergo substantia ipsa sensibilis, quę quidem nihil aliud est quam substantia ex se mobilis, comune subiectum uniuerse physiologię, quo a metaphysica distinguitur & mathematica tanquam suo subiecto; quę quidem cum eterna tum caduca existit, ex Arist. sententia, quę cum imitari possumus ad alios confugere minime conuenit.

Diuiditur autem cōtemplatio de natura in duas principes partes, quarum altera communia, altera uerò propria continet. priorem Arist. lib. phy. auscul. tradidit, posteriore uerò in ceteris physiologię operibus. Cum autem communium tractatio eam quę propriorum est antecedit, eodem aut. initio. lib. de partibus animalium, propterea quod ab illis semper auspicandum sit, quę notiora sunt & a quibus facile omnes discunt, iccirco lib. phy. auscultationum primum locum inter partes naturalis philosophię obtinuerint, propterea quod in illis Arist. de principiis primis atq. cōmunissimis corporum omnium natura constantium differat, nec non de his, quę cōmuniter res omnes naturales consequuntur, de motu uidelicet loco atq. tempore, quę per se, de uacuo præterea atq. infinito, quę per accidens consequi censentur quorum tractationem ea quę in lib. de cælo proponitur, sequitur in quibus de uniuerso & partibus illis agitur, de cœlesti inquam corpore & quatuor elementis, quatenus simplicia corpora sunt; & simplicibus motibus feruntur. quę quidem cum simplicia corpora sint, mistorum doctrinam tum nature tum doctrine ordine antecedunt, quamobrem tertio loco libri de ortu atq. interitu collocantur, in quibus de mutationibus rerum omnium generabilium atq. corruptibilium, nec non de materia illorum propria & mutationum causis differitur ab Arist. quos libri de mistis sequuntur, inter quos primum occurrit opus meteorologicum, in quod de mistis primum imperfectis doctrina continetur, quę ex utraque exhalatione ortum habent tam intra terrā quam in sublimi, secundo uero loco liber quartus falsæ meteorologicus nuncupatus, cum ab Arist. periton mycton inscribatur, hoc est de mistis, quia primus sit in quo de his quę nere mista sunt agatur, cuius initio operis meteo. non meminit, quemadmodum etiam nec initio lib. de generatione, quamobrem cum illis perperam connectitur, cum separatam uideatur tractationem constituere. Huic succedunt libri de animalibus, & plantis, in

b

quibus

quibus potissimum de materia uiuentium omnium differit . Arist. quibus libri de anima succedunt , in quibus de anima , forma omnium uiuentium doctrina traditur , quæ ortus atq. interitus , sunt obnoxia , ad quos libri paruum naturalium , quæ sunt finis uniuersæ de natura contemplationis , consequuntur , in quibus de operibus , siue actionibus uiuentium omnium contemplatio continetur . quamobrem nullus commodior ordo atq. numerus partium philosophiæ naturalis statui potest , cum in re hac Arist. initio lib. meteo. atq. alibi apertum habeamus . Nimirum ergo si libri phy. auscult. cum sint de rebus communissimis , inter acromaticos primum locum obtinuerint . ob quam sanè rationem auscultatorij ab Arist. sunt nuncupati , cum enim de rebus arduis , concisis adhibitis rationibus , in illis doctrinam instituerit , præceptoris operam inter ceteros requirunt , quemadmodum . Ad Alexandrum scripsit Arist. qui inter ceteros eorum lectione dignus uidebatur , cum Reges omnes rerum gestarum gloria , & sapientia procul dubio superaret , quamobrem incredibilem huius operis futuram utilitatem , conspicuum esse arbitror , propterea quòd ad diuinarum rerum & naturalium contemplationem , necnon ad alias præclaras artes nullus aditus esse possit , absq. cognitione eorum , quæ hoc opere continentur .

De quo sanè minime in controuersiam uertendum est , an , ad negocium naturale attineat , cum uidetur uniuersæ tractationis de natura , protæmum huic operi præmittere Arist. atq. quòd omnia sint cum motu tradita , quæ eo docentur , nec simpliciter sed ut ad res ipsas ueluti principia referuntur . Nec obstat , quòd a nonnullis proponitur , excludere Arist. librum octauum , physico negotio , propterea quòd particula  $\alpha$  doceat , inchoandum esse ab his , quæ tradita sunt in physicis , ac si liber hic non sit physicus , quòd propterea ea ratione ostenditur , quoniam primum efficiens & mouens uideatur ad Metaphysicum attinere , qui de primis principijs & causis differit , si enim ad naturalem ea mouentia attineant , quæ mouendo mouentur , primum uerò mouens , nec per se nec per accidens moueatur , minime illius consideratio physica erit . Ut dissoluatur quæ allata fuerunt , in primis intelligendum est , idem partibus naturalis philosophiæ contingere , quòd partibus mathematicarum accidit , inter quas quædam sunt , quæ propriis ad naturalem disciplinam accedunt , ueluti Astronomia , quæ motus cælestium speculatur , quæ tamen in ordine mathematicarum continetur , inter partes naturalis philosophiæ , quædam ad diuinam accedunt , ut libri de anima , & octauus hic de primo motore , qui tamen a naturali consideratur , quia sit primum efficiens motus , non autem ut Deus est , aut primum agens , quoniam penes hanc rationem ad diuinam spectat . ideo solum si est naturalis attingit , primi mouentis , nec ulterius progreditur , quare ea necessarium est moueri mouentia , quorum etiam quid est naturalis artifex docet . ob hanc uerò causam uidetur partem eam , in qua de motu differitur uere physicam asserere , quoniam lib. 1.

cum

cum differit de principijs, videatur habitû superioris artificis induere lib.ue  
ro octauo in omnibus habitum naturalis phylosophi minime retinere, cum  
agat de mouente immobili. ad quod necessarium est reducere cętera mouen-  
tia, quę non tantum mouent, sed etiam mouentur. cum ergo non simpliciter  
lib. 8. de primo mouente agat, sed ut est primum efficiens motus, naturalis  
circulibet octauus huius operis.

## A R I S T. P R O O E M I V M

## I N L I B. P H Y.

## P A R T I C V L A I.

*Quoniam cognoscere ac scire contingit circa methodos omnes quarum  
sunt principia aut causę aut elementa ex horum cognitione.*



**R**ECTE uidetur Arist. libros physicarum auscultationum  
a communissimo exordio auspicari, cum institutum illius  
sit, in illis principia prima atq. cõmunissima rerum om-  
nium, quę natura constant, docere a quibus Plato in Ti-  
meo etiam rerum naturalium contemplationem suscipit.  
Hęc autem Platoni erant materia cum ydea, & Deus.  
Aristoteli uerò prima materia, forma, priuatio, primum mouens, esse  
uideatur, quibus cętera quę communiter res naturales consequuntur, adiun-  
git, motum, tempus, locum, uacuum, atq. inane: in his enim libri physica-  
rum auscultationum potissimum uersantur, in quibus pars cõmunissima &  
prima Naturalis disciplinę continetur. Cum ergo cõmuni admodum utatur.  
Arist. exordio, tria more optimi Rhetoris proponit, in primis operis huius  
scopum siue intentionem, deinde methodum toti naturali disciplinę cõmu-  
nem. Denum uerò ordinem, quo in rebus naturalibus tractandis uti instituit.  
Scopum autem præmittit. ne huc atq. illuc uagemur, sed in re certa persista-  
mus, atq. ad eam omnia dirrigamus. Methodum autem ut facile ea, quę per  
obscura sunt, perdiscamus, ordinem uerò ut omnia suo loco habeantur, ne  
tractatio ipsę confundatur. Nam procœmium Arist. non omnibus suis operi-  
bus, quod hęc tria capita aperiat, præponere solet, sed his solum, quę in ar-  
te principatum obtinuerunt, iccirco procœmio rethorico etiam utitur ini-  
tio operis de anima. in alijs uerò operibus eam ob causam præfatione utitur,  
ut scopum, siue intentionem ipsam aperiat. Ex his autem satis constare arbi-  
tror, Arist. præpositum in hoc capite esse, præfationem præmittere, ante  
quam



quàm de principijs differere aggrediatur, a, quibus in hoc opere Naturalem philosophiam exorditur. in hac uerò prima particula, scopum siue intencionem huius operi primariam exprimit, quam in principijs scientiæ naturalis constituit, quodam proposito Enthimemate, cuius antecedens a, dignitate quadam nota desumitur, quam solum manerie disciplinæ ueram esse ostendit, quæ sanè uti consuevit in his, quæ exactam demonstrationem minime requirunt, sed fide tantum, aliqua egent, quæ aut inductione, aut exemplo, aut testimonio a còuni consensu desumpto, niti uideatur, quibus propositiones, quæ per contradictionem proferuntur, nequaquam opus, habent. cuius generis in hoc opere ea est, a qua Arist. tractationem principiorum exorditur. Necesse est aut unum esse principium aut plura, inter dignitates contradictorie propositiones certissime sunt, primumq. gradum in ueritate obtinent, quare nullam requirunt ostensionem, quæ uerò medio quodam modo se habent, inter illas, atq. eas quæ penitus ignotæ sunt, maneriem disciplinæ admittunt, ueluti hæc est, aqua Arist. proœmium auspicatur scientiam omnem, quæ principia habet, aut causas, aut elementa, ex eorum præceptione contingere in qua Enthimematis antecedens continetur, ex quo eam colligit consequentiam, in scientia naturali ab ipsis principijs initium sumendum esse, in qua sane consequentia primariam huius operis intencionem nobis Arist. aperit de principijs enim atq. de motu sunt lib. physicorum ab eo conscripti, ex Greco rum interpretum sententia, hanc uerò rationem ad syllogismum perfectum reducere possumus, hunc in modum. scientia cuius sunt principia, ex principiorum notitia contingit, scientia naturalis principia habet, cum sit de rebus naturalibus, quæ compositæ sunt, igitur in scientia rerum naturalium a, principiis illarum ex ordine necessarium extat. minorem uerò Arist. breuitatis causa prætermisit, omnem uerò scientiam speculatiuam habere principia, lib. 6. Metaph. docuit Arist. quo loco scientiarum speculatiuarum principia, causas atq. elementa esse docet. Nec laboro, etiam si alius rationem ipsam rebus acòmodet, quoniam scientia omnis speculatiua de rebus sit, in quarum exacta tractatione artis æquumq. principia constitutina connectenda ueniunt, quod alij interpretes cum non animaduerterent, proœmium totum per obscurum reddiderunt. quod suo loco docebimus. His autem explicatis quæ ad huius particule sententiam uniuersam atque nebant, reliqua est, ut singula, quæ in ea continentur diligenter expendamus, in qua primum occurrit particula. Cum, siue quoniam, quam nonnulli expungendam ab antecedente siue maiori propositione eam Phyloppono censeant, minorq. adendam ut clarior ratio reddatur, quod tam præstari non debet, cum a causa exordium sumens Arist. magis certam maiorem propositionem reddat, a, qua auspicatur, sequitur particula cognoscere, & scire quibus, uti noluit Arist. ut exactam perfectamq. cognitionem indicaret, quæ a, uera scientia minime distinguitur, quoniam cognitio quid ipse scire còmunis uideatur, cum etiam opinionem comprehendat, nec alterum

alteram ad definitionem, alteram uero ad demonstrationem referendum est. cum hoc loco de instrumentis scientiarum nullam rationem Arist. habeat, sed de ipsis nec rebus siue scientijs, nec uitio uertendum est Arist. quod speciem generi adiunxerit, cum synonymis ad interpretationem utatur aliquando. quemadmodum hoc loco uti uidetur, sequitur deinde particula Methodos, quam alij doctrinas alij scientias uertunt, cum tamen aperte methodo particula hoc loco utatur, quæ emphasim quandam habet, cum enim scientijs, quæ a principijs ad ea quæ ex principijs procedunt, methodo & uia, quæ cum ratione incedit ni. antur, methodi recte appellantur, quare tum scientijs tum doctrinis propositio Arist. conuenire etiam potest, ut mathematicis logicæ, scientijsq. omnibus speculatiuis, quas principia & causas habere, docuit Arist. in *Metaphy.* Si ergo uerbum uerbo reddiderimus, methodos legendum est, quæ sanè methodus nihil aliud est, quam habitus qui uiam præstat cum ratione, adidit præterea eam particulam, quarum sunt principia, auctore Phylopono, propterea quod non omnis ars siue scientia propria principia habeat, cuiusmodi illæ sunt, quæ diuersarum scientiarum principia sibi accommodant, in quorum numero uidetur dialectica cū Rhetorica, quæ cōmunibus alienisq. utuntur, cum circa quamcumq. materiam uersentur, nec non ille, quæ quidem definiendo solum, aut diuidendo incedunt, ueluti ars Galeni medicinalis. Quæ uero contextum hunc perobscurum reddiderunt, ea sunt uocabula, principia, causæ atq. elementa, in primis autem controuersia uertitur apud interpretes, an cōmuniter an uero propriè hoc loco his nominibus Arist. utatur. Auer. in primis tribuit Alexandro, propriè sumi hæc nomina, quoniam per principia causas mouentes atq. agentes intelligat, per causam finem, per elementa materiam & formam, cum non omnia causarum genera in quauis scientia reperiuntur, atq. quoniam disunctiue Arist. loquutus sit quod etiam Auer. sentit, quoniam in Mathematicis solum causa formalis appareat, in *Metaphysicis* autē nulla materiæ ratio habeatur, in naturali uero omnium. Simplicius autem Alexandro tribuit, quod Eudemum sequatur, quoniam per causam non solum finem, sed etiam formam, per elementa uero materiam tantum intellexerit, quoniam aliis causis si conferatur, uere sit elementum, forma uero cum sit terminus mutationis, uidetur esse id cuius gratia, efficiens autem causa, cum sit principium unde motus, uere est principium. Porphyrius autem per principium & causam eadem intelligi uoluit, quoniam totidem modis dicatur principium quot causa, etiam si principium magis pateat ipsa causa, quod tamen subiecto a causa minime distinguitur, at sola ratione, quoniam principium dicitur quatenus antecedit, causa uero quatenus quidpiam efficit, auct. Arist. lib. 5. *Metaphy.* cap. de principio & causa. Phyloponus q̄ rei difficultatem, duas proponit horum uerborum interpretationes, alteram aut principium & causam in eadem significatione, pro efficiente & fine sumpta esse, elementum uero pro materia & forma, alteram autem cōmuniter principij

## Antonij Bergæ . comment .

cipii nomen sumptum esse , causam tamen finem atq. efficiens denotare , ele-  
 mentum materiam & formam . Simplicius cum Themistio principia etiam  
 quid comune causis atq. elementis significare , cum principium ex Arist. lib.  
 5. Metaphy. non solum dicatur de principio transmutationis , uerum etiam  
 de quatuor causis , unde omnis causa principium est, non econuerso, propter  
 priuationem , quæ cum sit principium , causa tamen non est, quare propriè his  
 uocabulis nequaquam utitur hoc loco Arist. sed cõmuniter, ac si dicat, omnis  
 scientia habens principia , quæ fuerint aut causæ , aut elementa ; comparatur  
 ex illorum præcognitione , quare per causas principia cõmunia , per elementa  
 propria intelligi possunt , quæ quidem principiorum genera maxime in natu-  
 rali disciplina apparent. hoc autem modo locum hunc intelligendum esse, etiã  
 particula disiunctiua indicat, qua utitur Arist. atq. quod sit in procemio cõ-  
 munißimo, in quam etiam sententiã Recentiores descendunt, qui nihil attine-  
 re ad rem hanc putent , siue fuerint principia siue causæ, siue elementa , quo-  
 niam scientiæ quæ principia habent , cuiuscumque nature sint , ab illis ne-  
 cessarium est in cognitione ut dependant. accirco Arist. hos libros auspicatur  
 ab elementis , quia principia de quibus differit elementa uocari , atq. quo-  
 niam materia & forma sint elementa rerum cum illis insint , quæ sanè opinio  
 etiam si uideatur apparentiam quandam habere, non tamen priuationem com-  
 prehendere potest. cui nullo pacto elementi ratio conuenit , quemadmodum  
 principio. & causæ, quia sit mutationis principium . præterea in conclusione  
 cum principiorum tantum meminerit Arist. non possunt elementa intelligi  
 deinde uerò quoniam in naturali disciplina præter elementa principia &  
 causæ habeantur , quare elementa principia ipsa uocauit , ut alluderet ad  
 antiquos non autem ex propria sententiã, quemadmodum lib . Metaphy.  
 11. particula 31 . Quod tandem minime uerum esse id satis indicat , quod  
 in testimonio omnia attulerit principia, uidelicet causasq. elementa. Ad Auer-  
 & Alexandrum dicimus, minime uerum esse, quod propriè his utatur uocabu-  
 lis , cum sit in loco adeo cõmuni. præterea Arist. aperte repugnat, qui scienti-  
 tiis omnibus speculatiuis omnia concedit lib. 6. Metaphy. quo loco tradita  
 scientiarum speculatiuarum maxime esse principia , causas , atq. elementa, ac  
 si nulla sit quæ omnia non admittat , quod ex Alexandri atq. Auerroÿdis in-  
 terpretatione tollitur . Nam mathematicas materialem causam considerare  
 certissimum est , quæ quidem intelligendi principium est. Metaphysicum au-  
 tem nequaquam dubium est, de omni causarum genere differere , atq. eminen-  
 ter de omnibus, quæ scientiæ illæ subiectæ speculantur . Quod uerum fore in-  
 ductione ostenditur. Nam mathematicæ materiam habent, quæ in numeris &  
 sonis est constituta, quorum passionem demonstrat, non enim forme simplici-  
 ter quedam sunt , quoniam in illis materia quedam intelligibilis appa-  
 reat , superficies enim est materia trianguli circuli , ceterarumq. figurarum,  
 æqualitas & inequalitas uidentur passionem siue qualitates in subiecto. linea  
 præ-

præterea videntur nonnullæ demonstrationes in mathematicis per materiam, ut cum probatur, omnis figuræ quadrilateræ angulos equales esse, quatuor rectis, per diuisionem figuræ quadrilateræ, in duo triangula, & quodlibet triangulum habere tres angulos equales duobus rectis; si autem materia in mathematicis reperitur, inerit etiam ipsum efficiens, mens ipsa quæ lineam extendit atq. producit, ad quas sanè causas finem aliquem consequi necessarium extat, cum omne agens propter finem aliquem agat. Metaphysicum autem materiam sensibilem considerare certum est, cum eam definiat lib. 10. Metaphy. atq. de illa cum antiq. differat lib. primo, quare perperam Auer. sentit nullam præter naturalem de causis omnibus scientiam speculatiuam cõsiderare, nec omnium principia causarq. elementa fore, quia his uocabulis proprie utatur, cum particulam disiunctiuam interposuerit Arist. quomodo enim causas omnes a Metaphysico sumeret naturalis, quæ sunt propria illius principia; nisi metaphy. de omnibus differeret. Quod si aliquis pro Auerroë dixerit, iccirco ab aliis tollere omnia causarum genera, quoniam Metaphysicus per materiam minime demonstret, hoc falsum est, cum ex numero orbium concludat numerum intelligentiarum, qui quidem materia sunt illarum. Eudem sententia proprium etiam errorem continet, quoniam in naturalibus sola materia elementum nequaquã est, sed etiam forma. etiam si materia simpliciter absoluteq. cõsiderata, uideatur uerè elementum, quemadmodum ex elementi ratione tradita lib. 5. Metaphy. colligitur, quod signum est propriè hoc loco elementum minime sumptum fore, sed communiter, ut formam etiam comprehendat. Porphyrii autem interpretatio nequaquam uidetur digna reprehensione, cum non multum differat ab ea quæ simplicis extitit atq. Them. qui Arist. communiter hoc loco his uocabulis uti uoluerunt, atque principium quoddam cõmune ad causas atq. elementa denotare, quã ratione particulam disiunctiuam adidit Arist. Nam hanc potius quam ceteras in sequendam series con textus satis indicat, cum in conclusione tantum principiorum mentio habeatur, nec non quia in testimonio omnia repetat. Nam principium esse cõmune causæ atq. elemento lib. 5. Metaphy. scribit Arist. in cap. de principio, nec aliter locus hic intelligendus, est, ut priuationem, primum mouens & principia doctrinæ comprehensa uideantur, atq. ne aliter illis uti in testimonio cogamur, quemadmodum contigit Auerroï, constitutum igitur fit in antecedente, per principia, quid cõmune causis atq. elementis intelligi, quoniam utrisq. principium cõmune fit, cum. ex lib. 5. Metaphy. contex. 4. omnis causa principium fit, omne uerò principium nequaquam causa fit, ob priuationem, quam Arist. contra Platonē inter principia connumerauit eamq. ab ipsa materia distinctū principium facit quod nõ solum docet de quatuor causis dici uerum et de principio transmutationis, quoniam priuatio inter causas per se non connumeratur, per causas uerò hoc loco efficiens & finem, per elementa concausas, materiam uidelicet & formam, aut per causas remotas, per elementa proximas,

ximas, quoniam utrumq. genus causę ad perfectam cognitionem necessarium uideatur, quod Arist. in tota disciplina prestare uidetur, cum non solum cōmunes rerum naturalium causas, sed proprias etiam tradat. Axiomate uerbō proposito, in quo antecedens siue maior rationis p̄missa continetur, maneriq. disciplinę illam ostendere aggreditur, cum subdit. ( tunc enim arbitramur unumquodq. cognoscere cum causas primas cognouerimus nec non principia prima usq. ad elementa. ) hoc enim testimonium quodam est a communi consensu desumptum, quo quidem utitur initio lib. post analyt. cum recte traditam esse definitionem ipsius scire ostendere contendit, cum enim ex Topicis proposito famosa non sit omnino falsa, nimirum si Arist. hoc loco non utatur exacta demonstratione, quo sanē demonstrationis modo, etiam utitur lib. 2. Metaphy. contex. 13. quo loco ostendit, in causis non dari processum in infinitum, propterea quod nihil sciri contingeret, quod falsum est, cum tunc scire putamus, cum causas ipsas nouerimus: cum autem maior propositio, a qua processum auspicatur, non sit summę nota, iccirco testimonio quodam proposito illam Arist. confirmat, in quo sanē etiam maxima difficultas continetur, in primis autem an Arist. hoc loco utatur processu resolutiuo, an uerō compositione, cuius occasionem. p̄buit particula primum, addita causis atq. principiis, quoniam hac particula quandoq. utatur Arist. pro immediato ut in lib. post. aliquando uero pro eo, quod summum in unoquoq. ordine causarum denotat. quo quidem modo utitur lib. 2. huius operis, cum docet querendam esse summam uniuscuiusq. rei causam, quamobrem Vicomercatus resolutione uti Arist. arbitratur, Auer. autem cum Them. & Simplicio compositione. Ego in ea etiam sum sententia Arist. resolutione nequaquam uti, ne in tam paucis equiocationem committere uideatur, deinde uerō quoniam solet Arist. addere per se ipsi primo, cum id quod immediatum est denotare intendit, p̄terea ordo quo Arist. uti instituit a, magis uniuersalibus ad minus uniuersalia, aliter rem se habere docet, quoniam semper a causis prioribus ad posteriores progrediatur, nec non a principiis remotis ad proxima, in quo sanē processu naturam generantem imitatur, quo sanē modo procedendum fore docuit aperte initio. lib. de partibus animalium: Nisi ita Arist. locus intelligatur, nequaquam ratio reddetur, quare de priuatione agatur, cum illa nullo modo elementum sit, quia propter particula usque interposita in ipso testimonio uicem conuersionis copulatiue supplebit, ueluti lib. 1. analyt. sed ordinem potius denotabit, nec etiam addita erit ea particula usq. ad elementa, in sit explicatio eius, quod dixit prima principia, ueluti Vicomercatus in suo cōmentario scribit, quoniam sequeretur Arist. non cōmunissima, sed proxima rerum naturalium in his lib. tradere principia, quod ualde absurdum est. Nec urget quod proponitur, Mathematicas hoc ordine incedere, quoniam in illis solum Theorematisbus quę sunt artis mitia, nitamur, quę dicuntur principia cognoscendi, non autem essendi. Nam etiamsi uideatur mente & animo hoc lo-

cum

ad resolutionem quandam concipere, illa tamen non utitur ut doceat, resolutione methodo naturalem disciplinam tradere, cum compositiua uti Arist. fit conspicuum cum a communissimis principiis & causis ad proprias proficiscatur, quemadmodum si quispiam in dictionibus a litteris ad syllabas a syllabis ad dictiones progrediatur, per primas ergo causas primaque principia, nil aliud intelligendum est, quam summas causas & summa principia; per elementa uero proxima atq. immediata. cum ad uniusquodque re perfectam notitiam, omnium causarum notitia requiratur. Quemadmodum ex lib. 2. habetur huius operis, scire igitur siue cognoscere unumquodque arbitramur, cum non solum, summas uniuersalissimasque causas cognouerimus, sed etiam processerimus ad causas proprias atq. immediatas. Nam in perfecta hominis notitia, non tantum intelligere oportet, quod sit animal, sed quod tale animal rationale uidelicet mortale risibile. Nec in rerum naturalium solius primæ materiæ cognitio sufficit, sed propriam omnium generabilium adiungere oportet, quam Arist. lib. de ortu atq. interitu quatuor statuit elementa; nimirum ergo: si in 4. particula doceat, a magis uniuersalibus ad minus uniuersalia proficiscendum esse, tum in tota tractatione, tum uero in propria, quia semper a communibus Arist. exordiat. Non igitur ad resolutionem locus hic trahi debet, quæ sanè nihil aliud est, quam methodus siue uia resoluendi posteriora ad priora, cui quidem diuisio opponitur, in qua secamus priora in posteriora, ut genera in species, totum in partes, cum sit uia diuidendi unum in multa. præter has compositiua est methodus, quæ a resolutione oritur, in qua a principiis ad ea, quæ ex principiis progredimur, quæ uniuersam physiologiam tradit Arist. Nec aliter testimonium propositum, quod a rebus desumpsit, quarum scientiam querimus intelligendum est, ne uniuersum ordinem subuertamus, quem Arist. seruare instituit. His uero ita explanatis quæ ad antecedens pertinebant, tandem Arist. consequens siue id quod conclusionem ipsam sequitur colligit, cum ait. (Manifestum est quod & ea quæ sunt circa principia scientiæ, quæ de natura est primum determinare tentandum) in qua sanè conclusione materia, siue intentio huius operis explicatur, quæ quidem in primis & communissimis rerum naturalium siue scientiæ naturalis principiis est constituta. Nec accusandus uenit Arist. etiam si rectam conclusionem omittat, cum id quod illam sequitur interponendum iudicauerit, ut materiam huius operis initio totius tractationis insinuaret. cum ergo res naturales suis principiis cognitissimas intelligantur, æquum est, ut primum de principiis ipsis differamus, cum autem in hac conclusione principiorum tantum meminerit, indicium est, principium quid commune causæ atq. elemento hoc loco denotare, addidit eam particulam circa, propterea quod de aliis differat, ut de communibus consequentibus, de primo mouente, quæ rationem principii obtinent in tota facultate. Quod uero hoc loco dubitationem facit, est, an hæc principia sint tantum rerum principia, scilicet essendi, an etiam artis, ueluti Theoremata & propositiones. Ego

c tamen

## Antonij Bergæ. comment.

tamen cenſeo in ſcientiis utrumq. genus præterquam in mathematicis conim-  
gendum, ita ut conſuſio hæc ad utrumq. principiorum genus referatur, atq.  
ad ea quæ naturalis diſciplinæ propria cenſentur, quoniam comuniſſima &  
ſuprema Metaphyſicus doceat. Vnaqueq. enim ars circa ſua principia, quæ  
alterius non ſunt uerſatur. iccirco aliter de materia prima primo motore  
differit naturalis, & de cauſis, aliter Metaphy. ſimiliter medicus aliter de ele-  
mentis, quam Naturalis phyloſophus, a quo ſua ſumit principia.

### PARTICULA II.

*Innata autem eſt nobis uia ut ex notioribus nobis ad notiora  
natura proficiſcamur.*



VM in ſuperiore particula docuerit Ariſt. in ſcientia naturali  
ab ipſis principiis auſpicandum eſſe, in quibus primaria huius  
operis intentio conſtituta uidetur: propoſitum in hac parti-  
cula eſt, Methodum docere, quæ non ſolum ad principiorum  
intelligentiam neceſſaria eſt, ſed etiam cuius futurus eſt uſus, in  
tota rerum naturalium contemplatione, quæ ſanè methodus ſue uia cum no-  
bis innata ſit, demonſtratione quia nititur, in qua a, notioribus nobis ad  
notiora natura proficiſcamur. Hæc autem potiffimum in principiorum tracta-  
tione requiritur, cum ſimpliciſſima ſint atq. a ſenſibus noſtris remotiſſima,  
quando quidem cum priora nequaquam habeant, alia methodo innotefcere  
nequeant, quemadmodum cætera, quæ uniuerſaliſſima ſunt, quæ ex parte  
noſtræ cognitionis latere uidentur. Eſſe autem hanc methodum, quæ demon-  
ſtratione quia nititur, opportunam. Ariſt. huiusmodi ratione colligit, innata  
eſt nobis uia ut a, notiorib. nobis ad notiora natura proficiſcamur, in ſcien-  
tijs in quibus non ſunt eadem nota nobis & natura. In ſcientia naturali non  
ſunt eadem quemadmodum in mathematicis, igitur in naturali ſcientia a, no-  
tioribus nobis ad notiora natura eſt procedendum. cuius ſanè rationis mino-  
rem Ariſt. reliquit, cuius loco rationem addit, quam nos maiori propoſitioni  
adiunximus. Nihil enim adeo obſcurum eſt in naturali tractatione, quod  
hæc methodo non aſſequamur, ſive ſi eſt ſive ipſum quid eſt rerum quæramus,  
nam materiam primam præter contraria dari hac uia docuit Ariſt. nec non defi-  
nitionem animæ. quod breuitatis cauſa in multis alijs hoc loco minime do-  
cebimus. Cum etiam ad alias quæſtiones ſit neceſſaria, quoniam multiplices  
animæ facultates uariæ actiones indicarint. nimirum ergo, ſi raro ad modum  
alia methodo Ariſt. utatur, quoniam nulla ob noſtri intellectus imbecillita-  
tem, commodior in rebus perobſcure explicandis excogitati poterat, qua  
quidem etiam in Metaphyſicis utitur, cum uarias a motu demonſtrationes ſu-  
ſcipiat.

scipiat. Dixit autem hanc methodum innatam, quoniam doctrina atq. arte minime comparetur, sed nobiscum orta uideatur, cum omnis nostra cognitio ab ipsis sensibus originem habeat, auct. Arist. cum docet nihil esse in intellectu, quod prius non fuerit in sensu: ideo hac uia Utendum esse, propterea quod Discant omnes hoc modo, ex minus notis natura ad magis nota proficiscentes, per natura. notiora nil aliud intelligit, quam ea, quæ simpliciter, hoc est suapte natura nota sunt, cuius generis ea fore perhibentur, quæ maxime entia sunt, quemadmodum intelligibilia, quibus sensibilia minus Entia esse uidentur, quæ, nobis notiora sunt, cum sensibus sint conspicua. substantiæ etiam accidentibus sit conferantur, erunt natura notiora, quoniam substantia per se non sentiatur, sed per accidens. accidentia uerò per se sentiantur. quomobrem dicuntur notiora nobis quod si uerum est, singularia erunt notiora nobis, uniuersalia uerò natura. Effectus similiter erunt nobis notiores, causæ uerò effectuum natura notiores in mathematicis uerò hac methodo opus nequaquam est, cum ab his quæ sunt nota nobis & natura demonstramus. Et quia principijs essendi careant, cum tantum Theorematis quibusdam, nec non principijs cognoscendi utantur. ratio itaq. quæ adiungit Arist. cum ait Non enim eadem sunt nota nobis & natura, in mathematicis nequaquam uera est, sed tantum in naturali, atq. metaphysica disciplinis nimirum ergo, si indefinitè illam pronuntiauerit Arist. cum duæ subcontrariæ ex logicis præceptis, simul uerè esse possint. nam uerum est asserere, quædam sunt notæ nobis, & natura, ut in mathematicis, quædam non sunt nota nobis & natura, ut in naturali disciplina atq. metaphysica in quibus cogimur hac methodo uti, quæ a notioribus nobis ad notiora natura progreditur: dicitur autem hæc methodus uia, per quamdam similitudinem. Videtur autem Plato etiam huius methodi meminisse, cum quæreret an a, principijs, an ad principia uia esset, an econuerso, si quidem a, notioribus semper sit inchoandum, quem in Eth. Arist. sequutus uidetur, cum docet, ignorare nos nequaquam debere, rationes quæ a, principijs oriuntur ab eis differre, quæ ad principia proficiscuntur. Recte igitur Arist. hanc methodum significauit initio huius operis, cum ex ignotis nulla scientia, nulla deniq. cognitio comparetur. in qua a, sensibus ad intellectum proficiscimur, siue a, sensibus ad intellectum, quo quidem cognoscendi modo, qui præceptorius uidetur, ut notat Phylopponus, in his utimur, in quibus non est facultas utendi ueriores demonstratione, ac potiore, quod sanè sit, quia sæpe numero natura rerum hoc modo se habet, cum principaliora non admittit, uel si ea habeat, sunt tamen nobis occulta, minusq. manifesta. Ut cum Lunam ex diuersis illuminationibus sphericam ostendimus, non autem quia sit quintæ essentiæ, quoniam non potest aliud quod corpus orbiculare esse, quin fuerit æternum, nobis autem est occultum corpora cœlestia sempiterna fore, quare cogimur per ea, quæ nobis notiora sunt, figuram illorum sphericam esse, monstrare, quod quidem in supremis

c 2 generi-



## Antonij Bergæ Comment.

generibus contingit, quorum descriptiones, non autem definitiones asserre cogimur.

### PARTICULA III.

*Sunt autem nobis primum nota atq. manifesta confusa, magis posterius autem ex his nota sunt elementa & principia his qui hæc diuidunt.*



VM docuerit Arist. in particula quæ hanc antecedit, in naturali disciplina siue principiorum notitia inchoandum esse a notioribus nobis, scopus in hac particula est, docere, quæ nam sint notiora nobis, & quæ ignotiora, nobis autem notiora ipsa composita fore proponit, propterea quod ex diuisione eorum, principia & elementa ex quibus constituta sunt, innotescant, quæ quidem notiora sunt natura, ignotiora uerò nobis. quod in nobis facile experimur, quoniam primum totam domum intueamur, deinde uerò singulas illius partes. quæ enim totum referunt, primum cognoscenda occurrunt, deinde uerò quæ paruius rationem habent, quamobrem confusa primum nobis sese offerunt cognoscenda: An autem confusa potius quàm composita legendum sit, dubitandi occasionem præbuerunt Arist. interpretes, qui enim ordinem tantum doctrinæ propositum esse uolunt, confusa legendum petant, qui autem methodum demonstratam, præter doctrinæ ordinem composita, in quo mihi laborandum nequaquam est, cum particula confusum utriq. processui conuenire possit, quoniam in utroq. aspiciatur Arist. quemadmodum suo loco docebitur, ab eo quod confusum est. siue hoc dixerimus esse magis uniuersale, siue ipsum compositum. quod singulare signatum, siue indiuiduum uocatur. confusum autem utrumq. uidetur, quoniam totum quoddam utrumq. sit. si tamen dictionem græcam seruare uoluerimus, confusa potius ex aliquorum sententia legendum uidebitur quod. planè diuisio compositi in principia, atq. elementa indicare censetur, quod uniuersali conuenire nequaquam potest, cum ex singularibus minime compositum sit, etiam si ex multis colligatur.quare hoc loco per confusa cum aliis, aut uniuersalia, aut particularia intelligenda nequaquam sunt sed ipsa singularia, siue composita, auct. Theophrasto, qui hæc scribit, cum res omnes naturales absq. motu cognosci nequeant, de naturalibus dicentes, sensum prætermittere non possumus, sed ab eo incipientes. tentandum erit, naturalia contemplari, & eorum principia, ex quo etiam sequitur, methodum rebus omnibus naturalibus accommodatam Arist. hoc loco proponere, non autem ad principia tantum, ut multi perperam scripserunt, cum uim huius præcæmii nequaquam intelligerent, quod totius naturalis discipline præcæmii fore censemus. etiam si libris physicorum illud Arist. adiunxerit. Nec enim commodiore loco præcæmio communi

multum ut portrat, cum hoc opus sit communissimum, si ceteris conferatur; a quo doctrinae ordine, qui naturam generantem immittatur, Naturalium rerum tractationem Arist. aggreditur.

## P A R T I C U L A I I I I.

Quapropter ex universalibus ad singularia proficisci oportet. Totum enim secundum sensum notius est universale autem totum quodam est, multa enim comprehendit ut partes universales.



**P**ropositum Arist. in hac particula est, methodo tradita, doctrinae ordinem colligere, quo in rerum naturalium contemplatione uti instituit, nec alium fore colligit, quam eum, qui ab universalibus ad singularia progreditur, qui sane uideretur ordo compositius, qui auspiciatur a simplicissimis tenditque ad composita si ergo uerum est, in omni cognitione inchoandum esse ab his, quae sunt notiora, in doctrinae ordine a magis universalibus, ad minus universalia, procedendum erit; cuius sane ordinis exemplationem proponit, quoniam universale uideatur quoddam totum, quoniam multa comprehendat ut partes, quare apud intellectum notius erit, quemadmodum totum compositum secundum ipsum sensum notius existit, in ordine igitur doctrinae compositio, qui naturam generantem immittatur, ab universalibus, quae apud intellectum notiora sunt, ad singularia proficiscendum erit, siue ad minus universalia, quae quidem minus uidentur nota. Natura enim cum semper a, simplicissimis & primis rerum initiis auspicietur, Naturalem philosophum. decet, scientiam naturalem a, primis & summis illius causis atque principiis auspiciari, quem admodum aperte docuit Arist. initio lib. de partibus animalium, hac sententia, In omni contemplandi genere primum communia docenda sunt, deinde illa quae uniuscuiusque propria esse, censentur, ut a, notioribus incipiamus, suam manus hoc non ut demonstrationis certa fundamenta habeamus, deinde ut totum ut inutilem repetitionem euitemus, in ordine igitur doctrinae compositio, qui intellectu solo niitur, non autem sensu, ueluti methodus proposita, a, magis communibus ad minus communia progredi oportet, quoniam magis communia minus communibus apud intellectum, qui est universalium sunt notiora, magisque conspicua, ordo autem compositio a, methodo distinguitur, quod demonstrationis genus nequaquam sit, quia in eo artifex determinatur, ut ita dixerim, non autem demonstratiue incedat, quod multi cum non intelligerent, de regressu disputationem huius loco addiderunt, quae peragogicos cum attineat, nihil nobis de eius differenda est, etiam si regressus ad naturalibus dari profiteatur, secundum diuersa causarum genera. Quod autem

tem in primis hanc particulam perobscuram reddit, est particula uniuersalia quia plurimum inter se interpretes dissentiant, quid nam hoc loco per uniuersalia intelligendum ueniat. Vniuersalium autem cum duo primum sint genera, alterum eorum, quæ incomplexa, quæ res sunt alterum eorum, quæ complexa, quæ theorematata intentionesq. potius uidentur. Gæci dubitant, quod nam genus huic loco conueniat. Nam Alexander theorematata siue dignitates quoniam Arist. principiorum tractationem ab eo axiomataz auspicetur. Necesse est, aut unum esse principium aut plura. nec non ab altera, subiiciuntur autem nobis, aut omnia, aut quædam moueri, quæ quidem propositiones quædam sunt notissime. quæ principia complexa uocantur. Simplicius autem cum Them. per uniuersalia p principia incomplexa, quæ sunt res, a quibus initio operis initium faciendum esse docuit, hæc autem nihil aliud sunt, quam prima materia, forma, & priuatio, cum cæteris, de quibus lib. physicorum differit Arist. Nam propter ipsa principia rerum, non autem artis, uidetur methodus in primis proposita, non autem ob theorematata. nec non ordo in hac particula hanc etiam Auer. sententiam sequitur, qui uniuersalia in causando intelligi docet, quæ sunt causæ primæ, & communissimæ corporum omnium naturalium Vico mercatus autem in re hac perplexus, hæc uniuersalia ad communes quæstiones, quas de principijs Arist. exegit, trahit, inter quas ea est, quæ de principiorum numero & contrarietate proponitur. Phyloponus uerò, cum nonnullis ex latinorum schola singulare indefinitum, hoc est particulare intelligi profitentur, propterea quod exempla, quibus Arist. nititur, uniuersali in multis minime conueniant, quod sane nihil aliud uidetur, quam particularium congregatio singulare igitur uagum intelligendum est, quod ignoramus cui nam singularium competat. si omnes propositas sententias expenderimus, profecto nulla aptior ea est, quam simplicis atq. Auer. proponunt, quoniam principia in prima particula proposita, sint rerum naturalium constitutiua, propter quæ Methodus ipsa proposita, nec non ordo in tota physiologia, seruandus, quare etiam si. auspicetur tractationem illorum a propositionibus & quæstionibus communioribus, hæc tamen ad principia rerum referuntur, quibus etiam uti cogimur in docendo cum principijs artis rerumq. ipsarum in Naturali disciplina, ut in re medica & Metaphysica semper coniungantur, non autem in mathematicis, quæ solum principia complexa habent. a, quibus auspicantur. Nam si admittatur, Alex. & uicomercati sententia sequetur præfatione nimis communi Arist. uti, cum etiam ad mathematicas dialecticam conuenire possit, in quibus a, propositionibus quibusdam & quæstionibus communioribus Arist. semper initium facit. cuiuscunq. tractationis. ratio etiam addita in tex. eorum sententiam minime paritur. Denique quoniam dignitates ille cum sint notissime, minime sine confuso reiiciatur itaq. huiusmodi opinio Phyloponi sententia ineptissima est, cum singulare uagum re ipsa a singulari definito non distinguatur, quæ

solum

solum penes modum significandi distinguantur, quare uniuersale minime conuenit, quod hoc loco proponitur particulari, cum particulare uideatur medium esse, per quod sit transitus a genere ad indiuiduū, primū enim, animal est quam hoc animal, quare non a quouis uniuersali auspicandum fore statuit Arist. sed ab eo, quod maxime in naturalibus rebus uniuersale existit, quod tractatio ipsa satis ostendit. Non igitur a Simplici interpretatione recedendum est, quæ uniuersalia magis interpretatur, per singularia uerò minus uniuersalia, quia a communissimis rerum naturalium principijs & causis Arist. physicam exordiat, deinde uerò ad principia & causas proprias progreditur, quemadmodum conspicuum erit, si libros physicorum lib. de ortu atq. interitu contulerimus. in quorum tractatione cum demonstrando, incedat, ideo Theoremata necessaria sunt, nec non quaestiones de rebus ipsis propositæ cum enim intellectu hic ordo tantum mittatur, per uniuersalia atq. singularia magis communia, atq. minus communia, non autem indiuidua intelligenda sunt, quæ prima in methodo occurrunt, in qua a sensu procedimus ad ipsum intellectum: Quæ quidem uera cum sint, asserendum est, duos esse ab Arist. in hoc prooemio processus propositos, in quorum utroq. a notioribus nobis inchoandum est, quoniam in methodo a, notioribus nobis in sensu, in ordine uerò a, notioribus nobis in intellectu, ad ea quæ minus nota sunt nobis progrediamur, quod etiam proportio atq. similitudo, qua utitur, uerum esse satis indicat, cum illa non nisi duorum esse possit, proportio autem est, quoniam in utroq. processu, id quod rationem totius atq. confusi retinet, primum occurrat cognoscendum, quod duobus exemplis in particula sequenti docebit Arist. quorum alterum ipsi methodo est accommodatum, alterum uerò ordini doctrinæ. Eo enim tantum totum ab uniuerso distinguitur, quod uniuersum de his quæ sub eo continentur, dicatur totum uero de suis partibus nequaquam, quia nemo recte inanimato corpore oculum, aut manum totius nomine nuncupauerit, etiam si totum nihil aliud uideatur, quam suæ partes. Duorum autem processuum quibus Arist. utitur, primum Plato in Alcibiade mentionem habuit, quare non sine ratione in exordio communissimo utriusq. rationem habere oportuit. Ex hac præterea interpretatione facillimè tollitur contradictio, quæ apparet inter hunc locum, & initium lib. post analyt. in quo docet Arist. singularia nobis notiora esse, uniuersalia uero minus, quoniam non eodē modo utatur distinctione hac notioris utrobique Arist. simpliciter enim atq. absolute illa utitur in logicis, hoc uerò loco eam distinctis notitijs, quæ in nobis sunt illam accommodat, in quarum altera, quæ progreditur a sensu ad intellectum, quam generis uocant indiuidua siue effectus rerum nobis sunt notiores, causæ ignotiores, in altera uerò quæ in solo intellectu persistit, magis uniuersalia sunt primum nota, minus uniuersalia posterius, cum in omni cognitione nostra, confusa notitia distinctam antecedit, in qua id quod totum & confusum est, primum occurrit cognoscendum, quem-

admo-

admodum in disp. de primo cognito posterius differemus.

PARTICULA V.

Suffrunt autem idem quodammodo & nomina ad rationem, totum enim quoddam indistincte significant ut pueri & circuli. Definitio autem ipsius diuidit in singularia. Et pueri primum appellant omnes uiros patres & feminas matres. posterius autem determinant horum unumquodq.



Propositum siue. scopus Arist. in hac particula satis est apertus; quandoquidem duobus exemplis propositis docet id quod confusum est, in utraque noticia nobis esse: primo notum, atq. manifestum, in intellectiua autem id ostendit. exemplo nominis atq. definitionis, quoniam ipsum nomen totum quoddam aliquid indistinctum siue confusum significant, definitio uero id quod distinctum est, quemadmodum nomen circuli, quod circulus est indicat, si circuli definitioni conferatur, quoniã partes circuli declarat, ut cum dicimus circulum esse figuram planam, in qua lineæ omnes ductæ a centro ad circumferentiã, sunt æquales: non quia, autem rebus imponere solum munus est intellectus, atq. illas definire, quare hoc exemplo uidetur Arist. aperte docere, id quod confusum est, rationemq. totius habet, in noticia intellectiua primo notum esse, quod uero distinctum est posterius, ideo accidit, ut in nominibus omnes conueniant, non autem in rerum ipsarum definitionibus. Alterum uero exemplum de pueris, quod Arist. subdit, indicat in altera noticia, quæ sensu utitur, etiam id quod confusum est, primo notum esse, propterea quod confusam rerum noticiam in pueris distinctam ante ire experiamur. Nam pueri primum omnes uiros patres, omnes foeminas matres appellant, procedente uero ætate minime, quoniam parentes, a cæteris hominibus distinguere norint. Si ergo id quod confusum est, in quauis noticia semper primum occurrit, in altera ipsum totum erit notum, in altera uero ipsum magis uniuersale, quod simile quodammodo toti uidetur, quia multa sub se comprehendat, de quibus dicatur, ut gen us adiecta autem est ea particula quodammodo, quoniam non quemadmodum totum ipsum in patres diuiditur, ita & ipsum nomen est ab ipsa definitione diuisum, neque quo pacto singularis est uniuersalis pars, definitionis partes sunt nominis partes, quamobrem primum exemplum ordini magis conuenire uidetur, secundum autem ipsi methodo, propterea quod uniuersum de suis partibus separatim dicatur, ut animal de homine, & equo, Nomen autem de toto quidem eo, quod definitione exprimitur, at non de partibus illius. Quibus hunc in modum explanatis, nihil relictum esse uideo, quod ad exactam huius

huius prooemij intelligentiam facere possit . in quo Arist. tria docuit, quæ in lib. phy. primaria intentio, quam rerum naturalium principia statuit, de inde methodum uniuersæ tractationi necessariam, demum autem ordinem quem compositiuum fore docuimus, qui quidem ad docendum est aptissimus.

Cum autem principia communia hoc opere docere Arist. ostenderimus, minime hæsitandum est, illa coelestium etiam corporum principia fore, etiam si uideatur Arist. particula . si primi lib. huius operis aliud insinuare, nec non in ultima particula in qua scribit De formis autem physicis generabilibus atque corruptibilibus posterius dicemus . Nam de forma coeli quatenus anima tum est, cum ad Metaphy. potius differere attineat, iccirco ut eam a Naturali excluderet, solum cadu cas pertinere ad physico negotium, indicauit. siue simpliciter siue secundum quid mortales sint atq. materiales . De illa enim tantum naturalis coeli forma differit, ob quam corporis simplicis naturam retinet, quæ quidem nihil aliud est, quam forma neutra, nec grauis nec leuis . cum in lib. de cælo de coelesti corpore ut de Elementis agat, quatenus est corpus simplex parsq. ipsius uniuersi, quod est subiectum illius operis, ad quod omnia in eo tradita referuntur . Quare parum urget locus primum allatus, in quo scribit, dictum esse, quot sint principia rerum, quæ generantur & corrumpuntur, propterea quod cum hæc principia contraria fore docuerit, maxime rerum generabilium corruptibiliumq. principia uideantur, quæ tamen coelestis etiam corporis quatenus corpus est, quod loco mouetur, principia sunt eaq. quodammodo contraria . Nec aliter asserendum est, cum lib. 1. de ortu atq. interitu, aperte doceat, communia omnium corporum naturalium, principia in lib. phy. tradita esse, in illis uerò ea tantum proponi, quæ solis caducis corporibus conueniunt, quorum materiam communem propriamq. statuit, quatuor elementa esse . Quamobrem nisi lib. de cælo cum nonnullis a, naturali negotio sustulerimus, proculdubio lib. phy. de principio materiali formali efficiente motuq. communi omnibus corporibus naturalibus, differit Aristotelis.

Finis Explanationis prooemij phy. Arist.





ANTONII BERGAE  
IN ACADEMIA TAVRIN.  
DOCTORIS PHYLOSOPHI

RESPONSVM AD LOGICAM  
Augustini Bucij. Disput. de Phantasmate una cum  
Disput. de primo Cognito.

PROOEMIUM.



**S**I eam scribendi rationem Buccius retinisset, quā initio sue disputationis pollicebatur, maiorem fortassis laudem suis rebus adiungere potuisset, cum me denuo, etiam si annus intercesserit, ad disputationem de phantasmate reuocare, contendat. Porro cum ob male fortassis compactam cerebri substantiam, quæ quidem memoriæ plurimum obesse solet, illam seruare nequaquam potuerit, uniuersam dissertationem in cauillis, falsisq. imposturisq. insumere maluit, quam ueris adhibitis rationibus, aduersum me nuper insurgere, quod sane uiri ingenui, atq. philosophi officium erat. Quæ res per Deos immortales animum meum ualde commouit, cum id etiam minime præstiterit, quod se facturum iureiurando affirmauerat, cum mihi significaret, propediem de phantasmate disputationem, mei tantum honoris causa, æditurum. Quod utinam præstisset, quoniam alacriore animo hanc prouinciam subirem, in qua si meam causam, necessarijs tantum adhibitis rationibus, agerem, me operæ pretium facturum putaui, ut uiri docti intelligant, quam parum & utcumq. Buccius in solida peripateticorum doctrina fuerit uersatus.

d 2 Itaque



## Responsum ad Disp.

Neque ut in istum modum aggrediar, in istum negotium ab eo capite Ego etiam suspicabor, in quo omnis nostra controuersarum radices continentur, in quibus recensenda, etiam si testes adhibuerit an candide se gesserit, aliquid habund. Deinde omnia connectam, quæ de re huiusmodi publicæ disferam, nec non per epistolam ad Argenterium medicorum nostræ ætatis facile principem scripseram ne Buccianis subterfugijs locum aliquem superesse contingat. Mox quæcumq. in illius disputatione continentur, non solum expendore uerum etiam ad intermitionem deducere conabor, ut unicuiq. conspicuum euadat, cum liuore potius quodam tabifico, quam ueritatis studio in me proterue nimis iniectione fuisse, etiam si hoc moliri non debuerat, cum eam suæ modestiæ opinionem conceperit, ut solus inter nos philosophum referat, de quo sanè rationem aliquam habere uolui, ut in posterum respiciat, neque falso imponat, me a dissertationibus cum eo, die constituta recessisse cum totam horam in cærona professorum omnium Academiæ Moderatoribus præsentibus, nec non cæteris in Academia primarijs professoribus me contingerim, quæ Buccius ut omnes norunt, cum abuteretur, ob conuicia & technas propositas, nocte etiam imminente, cum cæteris abire coactus fui, ne causa tota ad rixas commutaretur. Cum ad meam conclusionem nullum etiam proponeret argumentum.

### *Caput primum in quototius Disput. causa proponitur.*



AM igitur a primo cap. disputationem ipsam suscipio. Nam cum intijis studiorum in publicis congressibus, Buccius contendere, singulare primum ab intellectu nostro intelligi, huiusq. assertionia eam rationem adhiberet, quod phantasmata, quæ singularia sunt atq. materialia cognoscat, a quibus species abstrahit intelligibiles. Ego hunc in modum occurri, phantasma tantum rei singularis, atq. materialis representatiuum fore, non autem reuera huiusmodi esse, quod cum audiret, nihilq. amplius haberet, quod ad meam solutionem præstaret. ad clamores conuiciaq. ut indoctis temerarijs mos est, confugit, quamobrem ab ipso congressu recessimus. Nec ego ut decæteris quæ agitata fuissent, de hac etiam quicquam cogitabam, cum in publicis congressibus incidisset, in quibus aliquando probabilibus niti cogimur, nisi studiosi adulescentes ad tres dies sequentes, me admonuissent Buccium duabus prælectionibus in me debachatum fuisse. Quamobrem schæda pro foribus proposita, illum humaniter admonui, ut respiceret, hac Arist. sententia ex lib. 3. de anima particula 39. allata. Et intellectus cum speculetur, necessarium est phantasma aliquod speculari, phantasmata enim sicuti sensibilia sunt, præterquæ quod sunt sine materia. quod cum perspiceret, ad materiæ condiciones confugit, ex quibus effici putabat, ut phantasmata tum materialia tum singularia forent,

forent, secundum eorum essentiam atq. reuera. Quare ego altero scripto proposito, cuius Buccius nullam rationem habet, docebam materiz conditiones tantum obflare, quominus uniuersale representent, reuera tamen uniuersalia fore ipsa phantasmata in phantasia, quod ex proposita particula 39. aperte colligi demonstrabam in qua non solum phantasmatum, sed specierum etiam intelligibilium, quæ illis insunt facta sit mentio, quæ quidem sunt in materiales atq. uniuersales, quas Arist. in particula 40. quæ hanc seq. primas notiores uocat, quæ quidem etiam si propriè non sint phantasmata, absq. illis tamen non intelliguntur. Quare phantasma siue pro specie sensili in phantasia, uel pro prima notione sumatur, uniuersale atq. in materiale realiter existere. quoniam id quod actu & re uerè materiale atq. singulare est, solum extra animam esse habeat, non autem in anima. Nec aliud quod ad rem ipsam attineat, quisquam a me propositum inueniet, aut æditum, cuius assertio- nis rationes sequenti capite quibus antea utebar adhibebo, ut a Buccianis calumnijs honorificeque expectam.

*Caput secundum in quo ostenditur phantasma realiter nec singulare  
nec materiale esse cum absq. materia sensili & quantà in  
phantasia contineatur.*



V M autem duo essent huius disputationis capita alterum an re uera materiale existeret, alterum uerò an singulare, ipsum phantasma pro specie sensili in phantasia, in primis materiale nequaquam fore demonstrabam, ex particula 39. lib. 3. de anima prio- re cap. allata deinde ex contex. 122. lib. 2. quo loco Arist. aperte docet, sensum susceptiuum esse specierum sine materia, quoniam imaginem siue simulacrum tantum sensus ipsi referant, rerum singularium extra animam, quemadmodum cera imaginem quæ in sigillo præerat, ueluti in propria materia Nam ut cera absque auro symbolum excipit, excipit autem sigillum & imaginem auream, non tamen quatenus auream, ita oculos colorem, & aures sonum, similiter gustus & olfactus sua sensilia, quamuis hoc in gustu & odoratu incertius esse uideatur, tradit sua paraphrasi Them. Ex quibus in particula quæ seq. colligit, sensum pati, at alia passione ab ea quæ in animis & carentibus sensu corporibus propria est, patiuntur quidem sensus sed ita ut forma rei percipiat, impellataq. instrumentum, materia fornicosec sedeat, at corpora quæ franguntur, ceduntur, cremantur, non nisi ingressu materiz, & accessu patiuntur. quod sensibus in sensatione nequaquam accidit, quoniam non possunt sensilium materiz effici quod in contex. 138. ex professo docet Arist. quoniã si cam materia sensus susciperet, in absentia sensilij minime sentiret, quæ tamẽ sentire experimur. quia species

## Responsum ad Disp.

*species ipse retineantur. nosi igitur albet, aut nigrat, aut opacatur uisus, neq. exacuitur, aut ingrauescit auditus, sed quod diximus sæpe & dicemus species rerum & ratio concipitur, quo fit ut passio hæc non in mutationem, sed in cognitionem & iudicium desinat. nulla enim materia deforma sibi accidente. herenteq. iudicium ferre potest, quia materia suoapte ingenio inspiens, bruta, irrationabilisq. est, ratio uero tum de alijs indicat, tum ratione & forma rationem & formam apprehendit, sensus autem species & ratio ea est, quæ sedem in primo sentiendi instrumento habet, nam sensus nihil aliud est, quàm facultas & forma primi sensorij, quamuisq. sensus & primum sensorium subiecto non distant, quemadmodum nulla forma subiecto distat ab eo, in quod ipsa recipitur, tamen diuersa sensorio & sui essentia est, nam sensorium magnitudo est atq. corpus, sensus uero forma & ratio corporis, quæ ex Them. addere uolui, quoniam ex hoc totius controuersie dissolutio atq. ueritas ipsa dependeat, quemadmodum in progressu, aperte ostendam cum nihil respondendo propositurus sim, quod ex germana & solida græcorum atq. Auerrodis doctrina non sit desumptum, ut Buccio nullum subterfugium relinquam. quibus sanè locis Arist. rationes adhibuimus, quarum prima hæc erat, si enim reuera phantasma materiale foret, perinde esset de receptione imaginum in phantasia, ac est de receptione illarum in speculo, in quo accidentia, quæ materiam concomitantur apparent, quòd tamen non solum phantasie sed nec nisi sui contingere, experimur, in susceptione colorum, propterea quòd sublata materia sensili, accidentia etiam sensilia recedere sit necessarium, iccirco humor cristalloides & pupilla, in quibus colores recipiuntur. nullum præterquàm proprium colorem referunt, si ergo id accadat uisui, quo quidem magis incorporea & spiritalis facultas est phantasia, proculdubio censendum est, phantasma in phantasia, quæ rationem luminis habet, si alijs sensibus conferatur, in materiale existere. Secunda ratio erat, si de quominus uidetur inesse, & inest igitur & de quo magis inerit, at in medio species rerum sensilium materiam sensilem non retinent, quia aer coloribus rerum non afficiatur, nec aqua, igitur multo magis sensus ipsi absq. materia sensili illas suscipiunt. Tertia ratio erat, fieri non posset, ut momento temporis species oppositæ in sensu reciperentur, si materiam sensilem retinerent, quoniam contrariæ qualitates simul & semel in eodem subiecto consistere nequeat, quæ sint materiales, cum sola cœli materia contrarietate careat. in sensibus autem experimur, mille formas etiam contrarias unico momento suscipi, quod in uisione maxime probamus, igitur absq. materia sensus specierum erit susceptiuus. Quarta ratio erat mirum uideri, quomodo nam species montis uastissimorumq. corporum pupillam oculi ingrediatur, cum materia sensilis absq. quantitate nequaquam sit, experimur tamen de uastissimis etiam corporibus uisum iudicare, itaq. signum est, quod eorum species suscipiat absq. materia. Quinta ratio erat, si cū materia species recipiantur, fieri ut cum dolore oculis cæteri*

exterior. sensus species rerum suscipiunt, quoniam cum qualitates corporee essent, continuum soluerent, ad cuius solutionem dolor sequitur. experimur autem colores aliaq. Visibilia, absq. dolore nos intueri, igitur absq. materia species in sensibus suscipiuntur. Sexta ratio erat, sequeretur quod sensili posito supra sensum sensatio ipsa fieret, quoniam medio opus nequaquam foret, illa tamen non fieri experimur, ut si corpus coloratū oculum immediate contingat, igitur relinquitur species solas recipi, atq. eas per medium deferri. Septima ratio erat, constituto quod materiam retineant, sensilem & quantam sequeretur, penetratio corporum, quia in corpore species recipitur non in anima atq. facultate uisiva, sed in oculo ipso animato. quam tamen peripatetici omnes timuerunt. seq. igitur quod siue materia sensus omnes sit specierum susceptivus, præterea sequeretur quod animam denominarent atq. esse reale non distingui ab esse in anima quod falsum est ex Arist. sen. 3. lib.

Nec minus phantasma singulare, nequaquam fore, ostendebam, in primis autem hac ratione: quæ nititur Arist. auct. lib. 2. de anima particula 60, in qua scribit, quæ sunt extra animam singularia fore, quæ uero in anima universalis, cum ergo phantasmata sint species rerum sensilium in anima, erunt proculdubio universalis, non autem singularia, quod etiam Auerroides in com. sentit. cum inquit Quod uero ambo mouent, sunt intentiones imaginabiles, quæ quidem potentia sunt uniuersales non actu, quo quidem modo Ego statuo uniuersale phantasma esse demonstrare. Nec mirum cum Arist. lib. 2. post. analyti. doceat, sensum esse uniuersalis, quoniam sensus sit coloris, nam autem huius coloris, cum enim duo ad sensum concurrant, id quod sentitur, nec non ipsum sentire, hoc est uniuersalis, illud uero singularis, ipsius uero sentire ratio & causa cum sit species, erit proculdubio uniuersalis. Videtur præterea idem colligi ex Arist. lib. 2. de anima particula 146. ex Simplicij & grecorum omnium interpretatione, quo loco tradit sensum communem incorporeum esse, atq. non in tempore agere, quare phantasia, quæ uirtus superior est, etiam incorporea erit. quod si uerum sit, modo uniuersali species suscipit, non autem secundum quod actu singulares. cum hoc tantum spectet ad uirtutes ipsas corporeas. præterea id etiam ex Arist. colligitur, cum doceat phantasia, quæ rationalis est in homine, unum ex pluribus facere, atq. uniuersale comprehendere, quod minime præstaret, nisi uniuersaliter quoddammodo species susciperet. nec etiam formas non sensiles eliceret, ut amicitiam, inimicitiam, bonum, & malum. quorum nullus est sensus, nec communis nec proprius. igitur experimur. phantasia non solum sensiles species cognoscere, uerum etiam non sensiles, propterea quod nocua fugiat, delectabilia uero prosequatur, quod multorum animalium exemplo constat. præterea Arist. circa finem lib. 2. de anima particula 153. phantasia a sensu atq. intellectu distinguit. quam non distingueret, nisi quodammodo uniuersaliū esset. medium enim inter sensum atq. intellectum locum obtinet, ita ut nec id quod

## De Phantasmate .

Id quod omnino singulare est, nec omnino uniuersale phantasia retineat atq. comprehendat . Quod uerum esse hac itidem ratione ostendebam , quoniam in phantasia species nihil aliud sint , quàm mere notiones , quas Latini conceptus formales nuncupare solent, qui quidem sunt uniuersales . potentia, pro pinqua non autem actu . cui postrema addebatur ratio . contingere, ut nullo modo phantasia deciperetur, si propriorum esset atq. singularium , non autem communium , ueluti sensum , qui circa sua obiecta perse nunquam decipitur , eam uerò decipi docet Arist. lib. 2. de anima tex. 159. atq. in multis experimur, præsertim in Buccio, qui in hac disputatione perperam imaginat.

*Capit. tertium in quo rationes a Buccio in oppositum allate expenduntur atq. penitus conuelluntur .*



**N**ULLO pacto esse uniuersale phantasma ; Buccius tertio cap. suæ disputationis sophisticis quibuidam argumentis, propositis ostendere, conatur . quas antequam proponat, contex. 39 . libr. 3. de anima interpretatur . in quo Aristoteles hæc scribit . *(Quoniam autem neq. res ulla est præter magnitudines ut uideatur sensibilia separata, in formis sensibilibus ipsa intelligibilia sunt. Quæq. in abstractione dicuntur & quæcumq. ex sensibilibus habitus & affectiones. Et ideo neq. non sentiens quicquam disceret aut intelligeret . Cumq. contemplerur necesse simul cum phantasmate contemplari . phantasmata namque tanquam sensibilia sunt, præterquam sine materia . Est autem imaginatio diuersum , a dictione & negatione contemplatio namq. est intellectus nam quod uerū aut falsum, primæ uero notiones quò different ab eo, hæc phantasmata sunt aut neq. aliq. phantasmata, sed non sine phantasmatis.* Hæc enim ex Auerroÿdis sectione sunt quæ in particula 39. tradit Arist. in qua Buccium hallucinatum fuisse aperte demonstrabo . Nam cum auct. Simplicio, qui inter ceteros mentem Arist. assequutus est , institutum sit docere, in quibus nam intellectus imaginatione cooperante , & coadiutrice utatur, minime uerum est, quod cum Latinis a Buccio proponitur, nimirum ? Arist. docere animam cum sit quodammodo omnia, quæcumq. per se sine phantasmatis nō intelligere, ob Platonē qui ideas introduxit, ac si omnia per ideas cognoscat, propterea quod nulla de ideis toto libro 3. mentio habeatur necnō de ipsa reminiscētia aduersus Platonem atq. etiā quod falsum sit, quod Arist. imponit auct. simplicio & Philopp. cum omne formarū genus minime intelligat anima cum phantasia, sed eas tantum, quæ quodammodo ab ipsa materia dependent, cuius generis sunt naturales formæ atq. mathematicæ, nec non formæ intelligibiles, quæ speciebus sensibilibus insunt, quas quidam circa finem, nihil

hil aliud esse docet, quàm primas nationes ipsius intellectus, quæ etiam si propriè phantasmata non sint, non tamen ab intellectu progressu absq. phantasia intelliguntur, ita, ut duo tantum formarum genera non sine phantasia intelligat, non autè quodcumq. cum separatas omnino formas absq. phantasia intellectus ipse intelligat, atq. per essentiam, nimirum ergo si ob primas notiones, dñb. Arist. quia occasionem dubitandi præbuit cum initio formas intelligibiles sensibus in esse, dixerit de quarum sanè intellectione nihil Arist. definierat, ad finem igitur rēx. si Buccius se contulisset, perperam contex. 39. interpretatus minime fuisset. Nā primæ notiones Phylop. doctissimoq. Nogarola auctore, penitus sunt in materiales, cum nec materiā, nec illius conditiones retineant, phantasmata uerò nō nihil materiæ retinent, ob materiæ conditiones; quare phantasma propriæ ex Them. nihil aliud est, quam forma quædā rei extrinsecus oblatæ, & externi sensus uestigium. Notio autem est mentis actio in uisum, quo de rei subiectum est, quæ tamen cōiter ex Arist. & Plat. sententia phantasma nuncupatur, quare aucter nimis me Buccius reprehendit, quod cōiter speciem intelligibilem, quæ est in sensibilibus speciebus in phantasia pro phantasmate acceperim, eamque uniuersalem constituerim. Verissimum igitur erit, phantasma esse uniuersale, quia pro specie sensili hoc est phantasmate propriæ dicto sit potentia uniuersale, pro phantasmate communiter hoc est pro prima notione sit actu uniuersale.

Quibus hunc in modum pro ueritate constitutis, pergamus ad corrolariū in quo me accusat, corrolariū autē erat, species intellectuales nō in rebus sed in sensibilibus formis intelligi, in quo sanè dupliciter me accusare nititur, in primis quod improprietate quadam loquendi utar, deinde autem quod nullum sit consequens. Quod ad primam attinet, etiam dignus esset Arist. reprehensione, quoniam cum scribit in sensibilibus formis intelligibiles intelligi, perinde est ac si dicat, non sine illis intelligi, quemadmodum ex hoc contex. aperte colligitur. cum autem nefas sit Arist. in hoc redarguere valeat. Buccius cum hac techna, quoniam cum illis insint, iccirco accidit, ut non sine illis intelligantur, nec non ut ad corruptionem illarum auct. Auer. corrumpantur. ex quo consequitur, intellectum intelligibilia, non sine speciebus sensibilibus intelligere, etiam si abstrahat, quoniam necessarium sit ut ab illis moueatur, occasionemq. intelligēdi assumat. Nec Buccio quicquam prodest, quod subiicit, species propriæ nequaquam intelligi, sed potius obiecta, propterea quod Arist. aperte lib. 3. de anima particula 39. rem aliter se habere doceat, quo loco docet intellectū, qui actu intelligit, nihil aliud fore, quàm ipsam met formam, quoniā anima sit actu species, non autem obiecta, quia lapis non est in anima, sed lapidis species, cum ait. Necesse autem est aut ipsa esse, aut species, ipsa quidem enim non sunt, nō enim lapis in anima est, sed species, quare anima sicuti manus est, manus enim est organum organorum, & intellectus forma formarū, si ergo obiecta illa sunt, quæ propriæ intelliguntur, ut perperam Buccius scribit, erit sanè anima illius actu lapis, atq; redibit Antiq. opinio, qui animam ex elementis constituiebant, quo-

c                      niam

## Responsum ad Dispu.

nam omnia cognosceret. in quo Alex. illum damnat in cap. de intellectu secundum actum, ubi discrimen sensus atq. intellectus, tradit, circa perceptionem specierum. Nam etiam si utraq. uirtus species sine materia suscipiat, scribit Alex. sensus tum non sit idem cum rei sensibili, specie, intellectus autem sit, quomodo igitur poterit intellectus species fieri, nisi proprie illas intelligat. præterea id aperte Arist. lib. 3. de anima particula 10. repugnat quo loco docet, intellectum non carnē, sed carnis essentia cognoscere, quod si carnem cognoscit, id facit se ipsum convertendo ad phantasma quod est in sensu, postremo inepte intelligibiles species uocaretur nisi intelligeretur proprie. Ad multa enim hoc loco Buccium incōmoda atq. absurda deducerem, pro quibus hoc unum sufficere arbitror, sequeretur res materiales intellectū minime intelligere, quoniā res materialis intelligi nequeat, nisi esse immateriale in intellectu habeat, hoc autē habet 2, specie, quæ est in ipso intellectu, quæ est ratio & causa intelligendi unumquodq. quod materiale existit. Alterum præterea in quo me accusat, leuissimū est, cumq. logicum potiusquam philosophum indieat, cum de nominibus cōtendere audeat. Noui enim quemadmodum antea ex Philop. Nogaroleq. sententia docui, species intellectuales, quæ phantasmalibus insunt, non nisi cōiter phantasmata nuncupari, proptereaquod non sine phantasmalibus intelligantur. Ad finem secundi argumenti Buccius inquit non uideo quomodo insint sensibilibus formis, cum sint in anima, quod cur proponat ignoro, cum in sensibilibus formis aliter insint quā in anima, ex Auer. sententia lib. 3. de anima: com. 30. propterea quod in sensibilibus formis obiectiue insint, in anima uero subiectiue, secundum esse cognitum, non autē materiale aut formale, quod Græci etiā sentiunt, quemadmodum tradit Them. intellectum lapidē habere in esse abstractionis, quia non sit in eo per inhærentiam, & informationē. quamobrem recte Arist. locum formatum, non autem subiectum materiale intellectum nuncupari quemadmodum sensum. subiectum sensibiliū specierum. cum uerō subdit, nō uideri quomodo nam phantasmata omnino abstracta sint in sensibilibus formis cū nihil sit sensibile absq. materia, etiā si hoc argumeneum ineptum ualde sit. Respondeo tamen illud concludere de forma reali, nō autē de intentionali. quare non est simpliciter uerum, quicquid est sensibile per materiā, esse sensibile, quia tantum ueritatem habeat, de eo quod realiter sensibile non autē intentionaliter. possum etiā aliter hoc argumentum diluere, ratione formæ sensiles esse, nō autem ratione materiæ, quoniam forma cum causa sit, ut unumquodq. hoc aliquid dicatur, uidentur sensibiles quodammodo nūcupari debere, quod quidem Buccius si didicisset, ut debuerat, cum profiteatur se exacte lib. 3. de anima percurrisse, ad cuius intelligentiam Sex. inuulgauit logicas quæstiones, ad suū esse fundamentale non confugisset, quod illum omne fundamento carere, aperte ostendit. impudenter igitur scribit, meam reiectam fore de phantasmate diuinctionem, 2, sensibilibus speciebus, quæ materiales sunt. Ad aliud transeamus, a quo nimis anxie mecum agit, inquit autem sumamus formas sensiles, quæ sunt

sunt in materia sensili, faciamus earum representatiua phantasmata, a materia sensili separata, hæc sanè ab illis distincta erunt, Quid hoc loco agat hic sophista ridiculus, aperte ostendam. Noui enim hæc inter se distingui, quoniam sensiles formæ in rebus esse materiale & corporeum habeant, sintque materiales, phantasmata uerò a materia separata habeant tantum esse spiritale siue inuentionale cum nihil aliud sint ex Latin. sententia, quam conceptus formales ipsarum rerum, in quo simul & semel nec me laudare nec uituperare Buccius debebat, cum nihil eorum, quæ antea senseram, immutaturus sim, etiam si discrimen capitis immineret. Recte igitur asserui, duo reperiri in phantasia, species inquam sensiles, atque intellectuales, atque has uniuersales actu atque omnino immateriales, illas uerò potentia uniuersales. non omnino tamen immateriales, ob materiæ conditiones, quas adhuc retinent. Cum uerò a me quærit, an hæc species in phantasmate idem sit quòd species ipsa intelligibilis, respondeo speciem intelligibilem fore pro prima notione, aut uirtualiter cum Latinis, nec hoc pacto speciei speciem esse absurdum est, quoniam sit intentionalis non autem realis. Nec minus corrui quod postremo loco a me quærit, an species hæc phantasmati insit actu an potentia, quoniam illam actu inesse sentio, obiectiue tamen non autem subiectiue, ex Auer. sen. lib. 3. de anima in Auempacem, qui intentiones imaginatas subiectiue recipere species intelligibiles docebat. Cum uero obijcit, igitur abstractione nequaquam opus erit, dico illa adhuc opus esse, non ut species aliqua separetur, sed ut species, quæ potentia erat intellectilis actu intellectilis reddatur ab intellectu agente, quem lumini Aristot. comparat, ita ut nihil imprimat phantasmatibus, ueluti lumen coloribus, quod eos tantum reddit actu uisibiles, quare ego cum illis sentio, qui hanc specierum abstractionem a phantasmatibus negant, quoniam intellectum cum etiam habitui similem statuerit Aristote. occasione sumpta a phantasmatibus solum conceptum similem effingit, immaterialem atque uniuersalem illi correspondentem, ueluti pictor, qui uidens Cæsaris imaginem nihil recipit ab ea, sed tantum mouetur, & per causas, & rationes imaginum, quas in mente habet, format imaginem similem ei, quæ est extra animam, quæ sanè modo etiam intellectus quidditates rerum effingit, omnino immateriales & uniuersales, quæ intelligibilia materialia referunt, Picus Miran. Marcus Anto. Genæ præceptor meus. Simplic. & alij celebres philosophi hanc sententiam ueriores sanè putant, quoniam si daretur ea specierum separatio, quam Buccius cum Barbaro Latinis fingit, multa sequerentur incommoda, inter cetera accidentia propria migrare de subiecto in subiectum, quod nullus peripateticorum concedit. Nec præterea ueritatem habet id, quod in alteram partem obijcit, cum phantasma in phantasia per accidens sit singulare, quoniam seruetur in uirtute particulari, & ob materiæ conditiones, quas adhuc habet, quoniam per se singularia tantum sint, ea, quæ extra animam exsunt ex Arist. sententia.

Omnibus



## Responsum ad Dispu.

Quibus pro ueritate dissolutis, pergamus ad alia, quæ proposuit, quorum primum deducit ex distinctione phantasmatis in essendo, aut in representando, in quo dupliciter insurgit, primum quoniam nulla sit in disputatione facta mentio de essentia phantasmatis, quod falsum omnino est, quoniam etiam si non expressa uidetur facta mentio, colligitur tamen aperte ex alio membro a me proposito, quoniam si phantasma in representando non sit uniuersale, immaterialeq; igitur erit uniuersale in essendo, quare representatio cum sit accidens phantasmatis quodam, a sua essentia distinguitur, quod Buccius cum non intelligeret, iterum querit quid nam per essentiam phantasmatis intelligam, nihil sanè aliud quam illius substantiam & proprietatem, quam statuo uniuersalem, propterea quòd sit omnino destituta materia sensili & quanta, quæ indiuidua est. & corporea, at ut antea monui cum Auer. colligo esse potentia in phantasia uniuersale. ipsum phantasma, non autem actu. Quod ne uideatur præter rationem dictum. Scotus Tomas. Auer. ceterique ex lat. Schola interpretes in disputatione de uniuersali an detur extra animam, tria genera uniuersalis inuenerunt, primum quod potentia remota uniuersale est, quod quidem nihil aliud est, quam singulare, & tale extra animam reperitur. secundum uniuersalis genus illud est, quod potentia propinqua uniuersale nuncupatur, quod quidem nihil aliud est, quam primus conceptus formatus ab intellectu de obiecto, taleque esse habet in anima tantum, ueluti tertium genus uniuersalis, quod est actu uniuersale. hoc autem nihil aliud est, quam rei quidditas, quæ est uerum atque adæquatum ipsius intellectus obiectum, atque hæc duo genera uniuersalis dicuntur a Latinis uniuersale pro intentione, primum autem uniuersale pro re. quare phantasma, etiam si singularis sit representatiuum, non tamen efficitur, ut per se actuque sit singulare, ut deducit Buccius, sed per accideus, quamobrem ad phantasmatis distinctionem in essendo, atque in representando minime confugi, nec palynodiam cecini, cum Tomas libro primo metaph. Sueff. lib. 3. de anima. commen. 18. primi illam inuenerint, ita ut optimus genius illam mihi distaret quod utinam Buccius de suo delirio atque in somnio asserere posset, quia actu singulare tantum esse habeat, extra animam non autem in anima.

Secundum præterea illius argumentum, dignum est Chrisaorio Porphyriano, in quo representationem essentiam phantasmatis statuit, quoniam uis potius quadam illius sit, atque accidens quam essentia, ex quo efficitur, etiam si essentia sit uniuersalis, ut uis eius sit adhuc singularis, quæ ratione distinguitur a specie intellectili, quæ actu est uniuersalis, & illius representatione.

Tertium præterea argumentum in quo constituit representationem essentiam phantasmatis fore, ridiculum est, cum minime sequatur, representatio singularis est. igitur essentia, propterea quòd essentia ipsa ad aliud nequaquam feratur. quod sane dubiū hac ratione dicto, contingere ut per accidens sit essentia

sentia singularis, nō autem secundū se, ueluti accidit sensui, qui etiam si sit uniuersalis, refertur tamen ad singulare. Cum autem sciscitatur, an pro formali, an pro materiali phantasma sumpserim, Respondeo pro formali intentionali, non aut reali, cum mera notio sit, non autē res, in anima nisi prædicamentaliter hanc ob causam accidens esse, & qualitatem, non realem sed intentionalē, quæ nec materiā nec formā habet, ex quibus componatur, sed mera tantū est notio, quare mihi somniare uidetur, cū ex spiritu animali & phantasmate reale quandā qualitatem generet atq. Introducat, cū nullū ex peripateticis in hoc in somnio testem adhibere ualeat, est ergo qualitas intēctionalis, quia in anima habeat tantū esse cognitū, non autem reale. Postremo autem loco cū Buccius arguit, si phantasma est uniuersale, aut erit in multis, aut ante multa, aut post multa. Respondeo esse uniuersale post multa, pro prima intentione, nō autem secunda, & tale subiectiue est in intellectu, siue in anima quia separatum est a, singularibus, quæ sunt extra animam, ideo accidens est, non autem substantia, quia causam habeat intellectū. nec ob id erit, genus logicū, quod prædicatur, propterea quod ex Simplicij sententia contex. 60. 2. de anima uniuersalia in anima secundū prædicationem nequaquam sint, sed tantū secundū considerationē, quod ē sentit. Hammonius cum Phylop. quoniā intellectus solū moueatur ab uniuersalibus quæ sunt in anima, quæ distincta sunt ab uniuersalibus in prædicando quoniā sint prima uniuersalia quæ quidem causæ sunt particularium & nihil aliud sunt quā formæ ipse intelligibiles. quæ Arist. lib. 6. Meta. uniuersalia appellat sicuti primā philosophiā quoniā sint prima scibilia. Secundū prædicationem. n. sunt in singularibus, quia et si secundū substantiā ab illis non separantur, separantur tamen secundum ipsam essentiā, in anima igitur tantū esse cognitum habent, quia intellectū non denominant, ex quibus ruit id quod colligit Buccius, est uniuersale post multa igitur est genus logicū. Cum uero subdit uniuersale quod est in multis potentia est in rebus, actu uero in intellectu, hoc negamus probādū igit erat a Buccio in quo indicat nulla memoria pollere, quoniā in priori propositione docuerit nō habere esse i anima uniuersale in multis, modo uero statuat actu uniuersale in multis in intellectu esse habere, cū potentia rebus insit. quod tamen absurdū ualde est, cū uniuersale pro re cuius generis est uniuersale in multis, nullo modo sit in anima. quia esse reale nō distingueret ab esse in anima quod repugnat Arist. lib. 6. Meta. omnibusq. peripateticis. materia. n. prima cū sit uniuersale in multis i rebus esse habet, nō aut in anima, quia si actu hmōi uniuersale in intellectu esset, hoc sequeretur in commodū, materiā primā in recto atq. in quid de materiato prædicari, quod falsum est, cū hoc a genere materia distinguatur ex Auer. sen. Metaphy. 8. com. 6. quoniā materia rōnem formæ induere nequeat, cū alia rōne sit pluribus comunicabilis, præterea non recte cōcludit, cū ego phantasma in phantasia sumā, non autem in intellectu, in quo tantum actu uniuersale actu esse suum habet, quæ uero extra intellectum potentia sunt uniuersalia, quia sunt in uirtutibus  
particula-

particularibus non autē in universali; qualis intellectus proculdubio censetur. altera præterea propositio quā subiungit, at quod secundum essentia tale est id actu tale existit, nulla est, propterea quod id solū veritatē habeat de eo, quod ratione formę secundum essentiam tale est; non autem de eo quod formę privatione dicitur secundum essentia tale. nā prima materia cum privatione formarū sit ens, ideo nō est actu ens, per se subsistens, similiter possibilis intellectus etiam si secundum essentiam intellectus sit & substantia quædam, non tamen est actu intellectus sed potentia intellectus.

*Caput quartum in quo Buccij solutiones conteruntur.*



Ergamus ad ultimā caput Buccianę disputationis, in quo sex tantum ex meis rationibus, cæteris post habitis, dissolvere contendit, quod certissimum est illius somnolentię argumentū. Antequam vero aliquam rationem dissolvat, quod ille in tota tractatione committit, mihi imponit, quod principiū potere uidear, in quo tamen me accusare non deberet, cū Arist. hoc argumentandi genere utatur, cū absurdum manifesta, aut ad impossibile deducit, quo genere utitur in cap. dephantasia, in particula. 159. lib. 2. de anima, quo loco nititur probare, phantasia nec ex sensu nec ex opinione constare, quoniā alterū horū impossibiliū sequet opinionem verā, falsam reddi, absq. aliquę mutatione, atq. alteratione rei, quam opinatur, aut eius quī opinatur, aut sequeretur. unā atq. eandem opinionē, eodem temporis momento, verā falsamq. esse, quod est impossibile, quo etiam argumentandi genere mihi cum Argenterio viro perspicacissimo utendum fuit. Ad primā igitur, in qua asserēbā, si phantasma vere materiale atq. singulare sit, consequi, ut a re ipsa sensili, quę quidem extra animā est nequaquam distinguat, duas proponit solutiones, alterā distingui rōne materię, quā iam ex propositis in superiore capite sustulimus, alterā vero ex natura utriusq. simplicis. quę quidem nostram corroborat sententiā, cum profiteatur singulare phantasma esse, propterea quod imago sit rei singularis representatiua; non autem per materiā sensilem. quemadmodum est ipsa res sensilis extra animam. Ad secundam præterea descendit, in qua ad hoc incommodum deducebatur, contingere, ut sensili supra sensum posito, sensatio fiat; quod aperte lib. 2. de anima Arist. negat, cui quidem ut occurrat, unum præmittit, in quo in foribus peripateticis peccat. quoniā Aristotelicum dogma universale proculdubio sit, cum nullus sensus particularis quamvis corporeus & materialis, absq. medio & specie suā exerceat actionem, ēt si in tactu id minus quā in cæteris conspicui videatur, cū a qualitate corporeā medium illius primum immutetur, quo d carmen constituimus, non autem ab incorporea veluti medium aius quod est aer & aqua quatenus perspicua sunt corpora. Cuius sanē rei causā Aver. lib. de sensu

ensu & sensibus tradidit, eum enim nullum sensum a sensibili super sensum posito pati contingat, propterea quod natura non procedat ab uno dissimili ad alterum absque medio, quemadmodum accidit in motu locali ex Arist. sententia lib. 5. phy. esse uero reale ualde opponatur esse in anima, ex Arist. sen. lib. 6. Metaph. quoniam esse extra animam, quod reale est, non fit principium immediatum cognitionis, sed esse intentionale in anima, igitur a, quocumque obiecto speciem aut incorpoream aut corpoream produci oportet, quæ quidem primum in medio, aut externo aut interno recipiatur, ut ab ea immutetur, quo ualeat sensum ipsum immutare, quod nisi contingeret, ignis ea quæ immediate nequaquam contingit, minime calefaceret, nec tristis sensatio ad primum sensorium deferret, nisi species aliqua a qualitate tangibili produceretur. Nisi medium in tactu adesset, non posset passio ad primum sensorium deferri, nec fieri iudicium aliquod ab eo, si immediate a proprio sensibili pateretur. hoc autem est animatum in tactu atque internum, quemadmodum pulchre docet Simpl. in interpretatione contex. 115 lib. 2. de anima. nam in particula quæ sequitur aperte Arist. docet in nullo sensu absque medio sensationem fieri hac sententia. ipso autem sensorio tactu neque illi hoc est in uisu auditu atque odoratu neque hic hoc est in tactu & gustu feret certe sensus, ueluti si quis corpus album in oculi poneret extremum. Nam medij naturam qualis sit in tactu docuit contex. 111. Cum enim ex Them. sententia ipsum tangere sit sentire ipsum in sensibus, igitur medium requiritur, quod Buecius cum ignoraret, putauit tactum eundem esse cum tactu inanimatorum corporum quare sensus particulares non ea re distant, quod medio alteri utamur alteri non, sed quod medium alio genere illis & tactui obsequat. Videtur enim caro eo modo ad tactum & gustum se habere, quo aqua & aer ad uisum & auditum. quomobrem a quocumque obiecto speciem aliquam produci necessarium est, illamque in medio recipi, ut sensiterium ipsum immutetur, non igitur uerum est, pati tactum a, qualitatibus tangibilibus immediate ut Buccius scribit, qui in hoc sensum, rationemque omittit, ad quæ omnia philosophi reducunt, quod tamen prestare illum pudere deberet cum Torpedo quæ manum piscatoris obstupescit illi conuincat. Nec illi ad Alexandrum confugiendum erat, quem Them. reprehendit cap. 39. lib. 2. de anima. & rectè cum aperte Arist. dogmata subuertat, qui omnem sensum lib. 2. de anima tex. 115. per medium pati docet, quod etiam Alex. circa finem cap. de tactu fateri cogitur. cum ait. Igitur tactus rerum susceptio intermedio corpore indiget. at in tactu medium cum sensu simul pati, quemadmodum clipeum qui percutit militem percutit. ita ut caro & tactus simul patiantur atque immutentur in alijs sensibus minime, at medium prius. At Buccius cum hæc nondum didicerit, existimauit, similem esse contactum tangibilis & tactus contactui qui accidit inanimatis corporibus, quum eorum extrema sunt simul. cum tamen alia ratio sit utriusque contactus, cum in animatis etiam ad cognitionem tendat,

## Responsum ad Disputa

tendat, in inanimatis autem ad alterationem solam. Medio igitur opus habet sensus tactus, aut, Arist. text. 1. 14. lib. 2. de anima. Cum eam dubitationem determinat, an tactus sentiat sua sensibilia tangendo, an non, inquit hoc autem non est, sed durum, & molle per altera sentimus, quod Arist. dictum viri etiam doctissimi trahunt ad medium externum, quod tamen in tactu simul a tangibilibus cum ipso tactu immutatur, ad discrimen ceterorum sensuum, in quibus prius immutatur medium, quod etiam accidit nobis ad ignem stantibus, non enim ignis nos contingit nisi per aerem medium, qui quidem aer nos calefacit. causaliter enim ut Auer. docet, prius medium immutatur in alijs sensibus, tactu uero simul, at hoc medium externum in tactu nequaquam est causa propinqua immutationis, ueluti in alijs sensibus. si ergo medium in tactu tam internum quam externum quandoque requiritur, etiam speciem pro duci oportebit aliquam, at medium externum non concurret ut necessarium, sed ut quoddam inuitabile. Nam inter tangens & corpus quod tangitur fieri nequit, quin aut aer aut aqua non sint media, in alijs sensibus medium externum necessarium est, quoniam si eo non posset uisus colores uidere, nec auditus sonos, quod in his experimur, qui ob aeris defectum, qui in auribus inerat, non audiunt. cum uero subdit Buccius secus esse de phantasmate, in phantasia, quod in phantasia non eo modo recipitur, quo species uisibilis, quoniam phantasma impartibiliter recipiatur in spiritibus, quod & illi hoc loco concesserimus, falsum est hoc distingui a specie uisibili, quoniam & ipsa non realiter sed intentionaliter in oculo recipitur, cum impartibiliter suscipitur, non enim fieri posset ut unico in stanti infinite species susciperentur, si partibiliter ueluti in materia solida susciperentur realiter, ipsi colores quemadmodum circa finem lib. de sensu a sensibilibus copiose ex Arist. ententia docet Auer. ad quem Buccium remitto, ne mihi amplius in tam foedo errore immorandum sit.

Ad tertiam præterea rationem descendit, in qua huiusmodi incommodum proponebatur, similem fore susceptionem imaginum in phantasia ei, quæ sit in Speculo, quam descrimine quodam allato dissolvere putat. atq. meam euertere opinionem, cum ex allato discrimine illam corroborat, quoniam si cum iudicio & cognitione phantasma recipiatur in phantasia, igitur secundum esse cognitum suscipitur, non autem reale; quo posito solum esse intentionale & mere spirituale in phantasia habet, non autem reale aliquod corporeum, uel quod distinguatur ab esse in anima, nisi hoc esse reale ut Buccium hoc doceam prædicamentale uocauerit, quoniam primæ intentiones cum entia quædam sint, ad prædicamenta reducuntur. Ex quo rursus solutio ad alterum incommodum proposita, consequi ut non sint qualitates intentionales, cum id ex priorum Buccii solutione necessario consequi aperte demonstrauimus, nec modo aliquo phantasma qualitatem realem esse, ut ipse fingit, quoniam ex sua positio ne cum sit corporea, quia mista spiritibus corporeis; sequeretur incommodum notissi-

notissimam esse realem idem fore cum esse in anima, quod est impossibile cum  
 contradictoria opponantur. quemadmodum antea docebamus.  
 Nam si uerum foret, quod Buccius scribit de illo insomnio, quod species  
 spiritus informant in primis hoc sequeretur incommodum, spiritus organum  
 uidendi esse, propterea quod organum id sit quod actu species efficitur, at spi-  
 ritus sunt potius instrumentum, quo facultas utitur, non autem ipsum orga-  
 num. Nec præterea uerum est, spiritus subiectum siue materiam specierum  
 esse, cum illis ut lumen comparetur, ab illis enim collustrantur, ueluti colo-  
 res a lumine, ut uisibiles reddantur, idcirco in articulo moriens spiritus est  
 solutus, qui morituri sunt, in tenebris se esse putant, nihil uidere, quare  
 inepte admodum fingit, ex spiritibus tanquam materia, & speciebus quali-  
 tatem quandam realem resulcare, cum ex illis & speciebus nihil producat,  
 quemadmodum ex lumine & coloribus, qui solant actu at illis uisibiles red-  
 dantur. præterea cum spiritus sine in continuo motu, si species in illis ut in subie-  
 cto reciperetur, omnia in oculis mobilia apparerent, at mirum non est, si in  
 hoc insomnium. Buccius incidere, cum ad imaginandum eum poeta sit etiam am-  
 plissimum cognouerim, ad iudicandum omnium, quos non erim ineptissimus  
 mihi. Vnde illud pictoribus atq. poetis quidlibet audere data est equa potestas.  
 Ad quartam præterea rationem, quam Buccius ad tria redigit incommo-  
 da, possumus loco occurrit. Nam primum in quo sequi uidebatur, phantasia  
 siue a sensu minime distingui si phantasia singulare atq. materiale fue-  
 rit, hinc in modum dubit, distingui ab alijs sensibus proprijs, non autem ab  
 ipso sensu, cum sit sensitiua facultas ipsa phantasia. Quod sane meam ratio-  
 nem in eo quodam tollit, cum alio tendat. Nam cum mihi satis perspicuum esto-  
 set, subiecto minime a sensu phantasia distingui, ob idiam causam primum  
 absurdum proponebam, ut uidelicet colligerem, non esse phantasia actu seu  
 sensum, propterea quod noua spectra ctingat, ubi a sensu actione excitatur,  
 similia sensibilibus formis, quod sensus præstare nequit, qui tantum recipit  
 rerum sensibilem formas, atq. circa eas uersatur. idcirco Iamblicus phantasia  
 descriptam actionem atq. impartibilem autumat eamq. extrinsecus recipere  
 minime in fortuari atq. insigniri, ut a sigillo carum, sed ab intus, æquino-  
 ternis excitari ad productionem rationem similitum, quemadmodum Plato  
 in Philebo proficitur, quam habet lumen comparatur, quoniam dedit  
 Arist. proficitur de quibus exacte differit simpl. particula. de anim. lib. 2. de anima  
 1. Nam quemadmodum lumen & se ipsum & omnia quæ in ipso sunt clarior  
 ostendit, & indicat apparetq. facit, ita etiam phantasia cum se ipsam ostendit  
 tum id etiam quod ipsa efficit, indicare uidetur, illud autem id est quod  
 phantasiabile, siue imaginabile uocatur, quod quidem uere phantasia est si  
 quod suapte natura tale est, usq. æternis ad dissolutionem imaginisque alterius  
 est simulachrum, in quo Arist. etiam a Platone & Moyse, minime dissentiri  
 quoniam hoc a sensu distinguitur, quod a pluribus lumen facit, tanquam  
 f sit in

fit in nostra potestate imaginari cum uolumus, non autem sentire, quod quidem non praestaret, si omnino sensui similis foret, cum in speciem receptio per in se participacionem, tum uero in ipsa actione. quare etiam si sensum uideatur, quoniam non fit sine sensu, ab illa tamen distinguitur ratione, quoniam multa efficit quae nullus sensus efficere possit. quod sane modo Ego in mea ratione consequi dolebam, ratione uidelicet inquam namque sensui distingui.

Solutio praeterea quam altero adhibet incommodo, minime uidetur, quod modo praefata phantasma speciem intellectus item producat, si singulare maneat, si sit, probabilis admodum est principiumq. petere uidetur, cum ego ex illis sentiam, qui profitentur species non ab intellectu agente produci atq. ex a phantasmatibus, sed tantum excitari illasq. a speciebus siue phantasmatibus produci ratione suae uirtutis formalis, quemadmodum species sensibiles a, foris obiectis producantur. quare adhuc in suo robore ratio proposita manet, quandoquidem nullum materiale immediate id quod immateriale est producere possit, quia formam in materiale non habet, in cuius uirtute in materiale aliquid producere ualeat, si simile a sibi simili secundum speciem producere sit necessarium, color enim in diffusione corporis colorati cum in superficie partium generatur, non a humore sed a uirtute formali coloris, etiam in tenebris in quibus actu color est generatur. quod etiam phantasmatibus accidit, concessio quod ex illis species intellectuales producantur, ad quarum productionem solum intellectus agens concurret ueluti lumen, qui quidem nihil tribuit coloribus penes actum primum at solum penes actum secundum. ex Auer. omniumq. Graecorum sententia, quemadmodum copiose tertio cap. docui. Intellectus enim agens cum sit ab omni materia separatus, nihil nec materiale nec in materiale in phantasmate agere poterit, cum in materia cum eo nullo modo communicet, quare cum comparetur ut lumen, nihil noui profusum in phantasmate prouenit, quoniam lumen sua praesentia solum hoc praestit, ut color actu uideatur, quia sit ratio uidendi, ita certe intellectus agens non est uerum efficiens, sed causa tantum, agendiq. ratio ipsi phantasmate, quoniam dum phantasma actu intelligibile reddit, nil materiale uel immateriale in eo efficit, at solum materiales omnes condiciones & appendices, quae uniuersalem formam in phantasmate existentem obscurant, atq. impediunt, ne intellectum nostrum mouere possit, suo lumine & praesentia offundit, & obruit, ut sola uniuersalis appareat forma, eaq. sui specie intellectum potentia ad intelligendum moueat. Agens quippe intellectus est ueluti quidam habitus, qui nihil operatur, sed ab aliis tantum causa est ratioq. agendi, quare nullam gignit intellectus agens speciem, sed solum intelligibilem efficit, ueluti ars pulsandi, quae non pulsat cytharam, sed est causa ut cytharedus illam pulset. nec indiget phantasmatibus, quia se ipsum intelligens omnia intelligit, sed illa illustrat, ut sibi beneficium in intellectum potentia conferat, nam phantasma ea quidem ratione

ratione qua ab agente illuminatum est, excitat intellectum nostrum huncq. ad actum deducit, qui deinde a phantasmate commotus, ut & natura propria, rem percipit intelligibilem, quare duo solum intellectus agens officia ex Arist. doctrina lib. 3. de anima. exercet, alterum quoniam quæ sunt potestate intelligibilia, actu intelligibilia facit, alterum autem quoniam se ipsum intelligit, atq. omnia se ipsum intelligendo, nec aliam toto lib. 3. de anima actionem illi tribuit Arist. perperam igitur illam suam extractionem specierum imaginatur Buccius atq. agenti tribuit ad quam veluti ad refugium miserorum confugit, non enim agens a phantasia dependet, sed materialis tantum, qui aptus est fieri omnia intelligibilia, tam materialia quam in materialia, cuius officium est species suscipere, & per illas intelligere, quas quidem absq. materia recipit, atq. intelligit, quo quidem ab agente distinguitur, qui se ipsum per accidens uequaquam intelligit, quod contingeret admissa Bucci opinionione, admodum trita & vulgari, nec alia officia utriusq. Auer. inuexit, lib. 3. de anima com. 18. ubi agenti tribuit eam abstractionem quam deductionem de ordine in ordinem uocat, possibili uero eam, quæ nihil aliud est quam id quod prius est intelligere re non intellecto posteriori.

Quæ autem postremo loco ad tertium incommodum proponit quoniam se queretur phantasia habere organum proprium atq. determinatum, quod Arist. repugnat, adeo remota sunt a ueritate peripatetica ut confutatione indigna uideantur, cum sensui communi atq. phantasie determinatum organum nusquam Arist. tribuerit nec peripateticorum aliquis ex illius dogmatibus. Quare inepte admodum ad medicos confugit, qui quidem in his, quæ ab eo proponuntur, etiam non conueniunt cum nonnulli internorum sensuum actiones in uarios gradus temperamentis cerebri referant. Quamobrem clarissimi Moderatores quid nam Buccius ex suo Phantasmate consequutus fuerit, Vestrum erit iudicare quibus libenter totum hoc negotium committo, ne mihi Buccianum Phantasma, quod in spiritu animali. reale existit terrorem quandoque incutiat.

**F I N I S.**





# ANTONII BERGAE

## DISPVATIO DE PRIMO

### COGNITO.

*Caput primum in quo uarie opiniones proponuntur.*



DISPVATIO proponitur circa præfationem hanc ab interpretibus de primo cognito quam ego huic cōmentario adhibere uoluit, ut me a Buccianis. calumnijs, defenderem quas in sua de phantasmate disputatione in me tandem euomuit. proponitur itaq. disputatione; quid nā nēre sit primum cognitum in cognitione intellectiua, quoniam de sensitiua nulla uertatur cōtrouersia, cum singulare siue indiuiduum primum a sensu ipso sentitur, id enim, quod sentitur hogulare est ex Arist. omniumq. interpretum sententia: quare tota controuersia de notitia intellectiua proponitur, quid nā in illa primum cognoscendum occurrat, an uniuersale quod multiplex est, an uerò singulare, in qua sanē disputatione uarie circumferuntur opiniones. Nam Scotus primo sen. dist. 3. quæst. 1. profitetur minus uniuersale, hoc est speciem specialissimam esse primum cognitum, apud intellectum in cognitione ipsa confusa, quæ distinctam antecedit, in qua magis uniuersale est primo notum, quare adhibita distinctione de notitia intellectiua aut confusa aut distincta, quid nā primum cognoscendum intellectui obijciatur, proponi. Nec rationibus destituitur sua opinio, quam hac in primis ratione confirmat, quoniam id uideatur in cognitione confusa primo notum, cuius singulare fortius sensum mouet, sed singulare minus uniuersalis, illud efficit, propterea quòd sit sensile proprium, non autem commune figitur minus uniuersale pro specie specialissima erit primo notum. deinde

inde alia ratione id ostendere nititur, propterea quod causa naturalis nisi impediatur, semper effectum perfectissimū producit, quem producere possunt quia agant secundum omnem illarum vim & facultatem, causę igitur nostre in selectionis, quę duę sũt, phantasma sine species intelligibilis, nec non intellectus agens, nisi impediatur producent perfectissimā notitiā quā producere poterunt, hæc uero est notitia speciei, specialissimę quoniam est facilioris abstractionis, quia est a magis similibus, quā abstractio magis uniuersalis, erit igitur minus uniuersale primum cognitum uia originis a nostro intellectu, in confusa cognitione, quoniam in distincta magis uniuersale est primo notum, quod hac ratione ostenditur, quoniam nihil distincte intelligatur, nisi quatenus illius essentiam constituunt intelligantur, magis autem uniuersale quatenus ens, est de ratione essentiali omnium particularium atq. entis conceptus est simpliciter simplex, cum non sit res solubilis in alium conceptum, propterea quod nihil prius habeat, quod sit illius essentia, igitur magis uniuersale ut ens, cognitione distincta primum a nostro intellectu cognoscitur.

Tomas autem prima parte summę q. 86. arti. 3. proficitur magis uniuersale in notitia confusa primum a, nostro intellectu cognosci, atq. hoc potissimum fundamento nititur. Nam intellectus procedens a potentia ad actum tendit ab imperfecto ad id quod perfectum est, in quorum medio aliquid constituendum est, tale uero est magis uniuersale respectu minus uniuersalis, cum cognitio in uniuersali sit cognitio in potentia, erit igitur magis uniuersale primo cognitum in notitia confusa, nostro intellectui, ex prima uero ratione Scoti sequitur actum in eodem potentiam antecedere, nec non notitiā distinctam eam, quę confusa est, quod Arist. repugnat initio operis de physica auferunt. quo loco docet, id quod confusum est, nobis esse primo notum, quoniam totius rationem habeat, quod etiam ita se habere experimur, quoniam notitia secundum quid, eam quę simpliciter dicitur, antecedit, quoniam primum opus sine intellectum disponi, priusquam actu intelligat: quibus hoc modo propositis, primam Scoti diluit rationem, quoniam maior propositio uera sit, dummodo id quod patitur, cum priuatiue tum positiue dispositum sit, pro forma ultima suscipienda, quo in sensu minor propositio negatur, quoniam intellectus noster possibilis, etiam si priuatiue sit dispositus ad omnia intelligibilia, non tamen est positiue dispositus, cum enim sit ordo essentialis inter conceptus ueluti in formis, opus est in intellectione conceptum uniuersaliorem antecedere, in notitia uero distincta, magis uniuersale nequaquam esse primo notum, aduersus Scotum ita demonstrare nititur, propterea quod Ens quatenus Ens non sit primum intelligibile, sed quatenus est Ens actu. igitur Ens potentia si intelligatur, per Ens actu intelligitur, quamobrem magis uniuersale in notitia distincta non erit primo notum, ex quibus concludit in cognitione actuali intellectus magis uniuersale non esse primum cognitum distincte sed confuse, quod etiam in notitia sensitiua accidere solet.

Præter

## Disp. de Primo Cognito.

Præter has opiniones extremas, alie infunderunt, quasi priorem Gregorius Ariminensis summus Theologus iniecit, & sen. dist. 3. q. 1. art. 1. singulare illud esse, quod primum ab intellectu nostro cognoscitur, quod quidem materiale est, nec non habens esse extra animam, quare singulare in notitia confusa tam complexa quam in complexa præfertur, præcudubite primum cognitum fore, nititur autem hac ratione potissimum. Nam universale quoniam non habeat esse extra animam, sed in anima, antequam valeamus conceptum universalem alicuius rei formare, necessarium est, aliquod præcognoscere singulare. a quo abstrahat ipsum universale, quod si quispiam occurrat, supponi quidem singularis notitiam, et illam pertinere ad sensum, non autem ad intellectum, subiungit ab eadem eademque facultate utrumque cognosci, quoniam utriusque distinguens, ab eodem, ut illa etiam cognoscere necessarium erit, ut Arist. sententia in cap. de sensu communi lib. 2. de anima præterea alia ratione ostendit, quoniam Arist. lib. 4. Metaphy. docet, Non idem imponere nomina rebus, quas ignoras, cum autem intellectus singularibus nominibus imperitat, quoniam ab eis cum eo carcat id præstare nequeant, ut hinc igitur necessarium est, ut singulare, a nostro intellectu dignoscatur. Secundum, deinde rationem adiungit, quæ adhuc contendit, singulare primum cognitum fore, Nam quicquid primo intentione ab intellectu intelligitur, est in eo, igitur quicquid ab eo prima intentione, quæ confusa est intelligitur, est singulare, non autem universale, quod etiam docet Arist. lib. primo post analysi quo loco docet singularia nobis notiora esse, universalibus, nec non: contra 3. lib. 1. phy. composita nobis notiora esse.

Antonijs Andreas ex scola Scoti, quibusdam distinctionibus propositis sensum exhibet sententiam. Nam universale in casuando aut est complexum, aut incomplexum, incomplexum est minus notum, quoniam quanto aliquid minus notum magis est tanto est ab ipso sensu remotum, complexum vero est magis notum, ex Arist. 2. metaphy. quia principia simpliciter prima sunt ad locum, id est, ad sensum. Universale præterea in predicando distinguit, quod si conferatur ad singulare, vel ad minus universale, in cognitione generis singulare est notius, quod hac ratione ostendit, quod enim prima notitia notius existit simpliciter, prius est notum, sed prima notitia sensitiva est in qua singulare est prius notum, igitur absolute & simpliciter erit primo notum, cum per se sentiat, universale vero per accidens, si vero contulerimus magis universale singularem in notitia intellectus, magis universale erit primo notum, supposito quod universale per se intellectus comprehendat, singulare vero per accidens, quæ etiam apud tenentes utrumque per se intelligi, videntur singulare esse primo notum, quia principia artis & scientiæ per inductionem cognoscantur, si vero conferatur magis universale ad minus universale, pence eorum individua, singulare magis universale est primo notum, singulare minus universale, cum in sensu quam in ipso intellectu, cum sit magis confusum, si vero conferatur magis

magis uniuersale & minus uniuersale ad intellectum, aut hoc erit in notitia confusa, aut distincta, in notitia distincta magis uniuersale erit primo notum, in confusa uero minus uniuersale, quia compositum semper notius sit partibus componentibus.

Marcus Antonius Zimarra in sua de primo cognito disputatione proficitur, simpliciter siue uniuersaliter uerum nequaquam esse, quod semper in notitia confusa ipsum uniuersale magis sit primo notum, quoniam quandoq. fieri potest, ut minus uniuersale sit primo notum, ut cum comparatur magis uniuersale minus uniuersali, ut pars, hoc uero contingit, quando minus uniuersale consideratur ut definitum, quoddam & totum, si uero comparetur magis uniuersale minus uniuersali ut est totum quoddam, distinguendum adhuc est, quoniam singulare magis uniuersalis, si fuerit magis sensatum, erit magis uniuersale primo notum, si uero fuerit singulare minus uniuersalis, tunc erit minus uniuersale primum cognitum.

Quibus meam subscribere non uerebor opinionem ex Arist. dogmatibus desumptam, id quod est confusum in quacumq. notitia esse primo notum, quatinetur in scientijs, quæ sanè duplex est, altera quam generis uocant, quæ componitur ex sensu atq. intellectu, altera merè simplex, quæ solius est intellectus; in prima ergo cognitione in qua a sensatis ad intellecta proficiscimur, singulare est primo notum, quia uniuersalis, nobis ex sensatis dependeat, hoc autem confusum est, quoniam totum sit in altera uero notitia quæ est solius intellectus, magis uniuersale est primum cognitum, quia etiam confusum sit & quoddam totum si minus uniuersalibus hoc est speciebus specialissimis conferatur, cum autem in quacumq. notitia respectu nostri modi cognoscendi, confusa semper distinctam antecedit, uiccirco in composita notitia confusa primo notum erit indiuiduum atq. singulare, in altera quæ simplex est, & confusa erit magis uniuersale, indistincta uero his opposita, in utraq. cognitione: ex parte uero accidentium quorum est sensus, communia primum occurrunt cognoscenda, secundo uero loco propria, & secundum tempus & secundum locum, quod aperte docet Arist. si recte intelligatur in præfatione lib. phy. quemadmodum exempla, quæ proposuit suis indicant, quare id quod confusum est rationemq. totius habet, in utraq. notitia eaq. confusa, primo notum est, magis itaq. uniuersale atq. ipsum singulare siue indiuiduum, de quo sanè in præfatione ipsa disseruimus, ne scrupulus aliquis relinquatur, propterea quod duobus nitatur Arist. processibus, in quorum altero a sensu ad intellectum progredimur, ab effectis in causas, in altero uero in ipso intellectu consistimus, quoniam a magis communibus ad minus communia proficiscamur.

## Disp. de Primo Cognito.

### Caput secundum in quo veritas opinionum expenditur.



V M opiniones recensuerimus, necessarium est ut unamquamque diligenter perpendamus, ut veritas in hac disputatione appareat, in primis autem Scoti opinio peripatetica nequaquam est, quoniam oppositum contingere in quavis noticia experiamur, confusam rerum notionem antecedere distinctam, quæ quidem in his quæ communia sunt, constituta est, præterea quoniam ab extremo ad extremum non detur transitus absq. medio, erit igitur necessarium conceptui generi cum specifico ante ire, quia intellectus non videtur satis dispositus ad speciei conceptum, nisi primum finxerit generis conceptum. præterea ualde est a Tomæ hæc opinio impugnata, ita ut facillimum sit illius dissolvere rationes. Ad primam igitur dicimus, non semper contingere, ut singulare specieis specialissime fortius moueat sensum, quoniam in cognitione confusa singulare magis uniuersalis, illud sit, quod primum sensum mouet, ut aliquod animal quam tale animal, quod exemplo puerorum docuit Arist. qui primum omnes uiros patres, omnes feminas matres appellant. Ad secundam dicimus, maiorem ueram fore, si utroq. modo intellectus dispositus fuerit, priuatiue atq. etiam positiue ad formam suscipiendam, quo posito minor falsa est, quoniam intellectus noster solum priuatiue sit dispositus ad ipsa intelligibilia, positiue autem dispositus nequaquam dicitur, nisi præcedentibus conceptibus uniuersalibus, maxime. Ad tertiam uero rationem minorem negamus, propterea quod genus sit facilius abstractionis, cum abstrahere nihil sit si communiter sumatur, quam unum absq. altero intelligere, ut formam aliquam naturalem absq. materia.

Tome opinionem cum aliqua ex parte cum nostra conueniat, minime confutabimus, quandoquidem in cognitione intellectiva confusa proculdubio distinctam antecedit.

Accedamus ergo ad Arriminensis opinionem, quæ inter cæteras ineptissima est, & merum delirium. in primis igitur non est peripatetica, cum falsitate nitatur fundamento, quoniam etiam si in intellectione per abstractionem, intellectus noster singularia supponat, a quibus dependere, ut occasionem habeat intelligendi, nihilominus tamen, illa perse non intelligit, & primum, sed per accidens & reflexe ex Arist. sententia lib. 3. de anima, quoniam intellectus non carnem sed carnis essentiam intelligat, atq. quod sensus hoc ab intellectu distinguatur, quod sit singulare, sensus uero uniuersalius. Nam si singularia intellectus noster primum intelligeret, opus esset intellectum etiam diuinum illa comprehendere, quod negat Arist. lib. 12. Metaphysicorum, in directa igitur cognitione solum ab illis intellectus mouetur atq. excitatur, non autem illa intelligit, nisi ex uniuersali cognitione atq. reflexe cum in similitudo

similitudo intercedat inter facultatem atq. id quod actu cognoscit, si intellectus primum & per se singulare intelligeret, sequeretur uirtutem singulare fore & materialem, non autem immaterialem atq. uniuersalem, cum ab organo corporeo nequaquam dependeat. Aliud præterea incommodum sequeretur, actum sensus atq. intellectus unum numero esse, minimeq. distinguui, quod aperte Arist. reclamation lib. 2. de anima context. 62. quo loco tradit, actu sensum ea efficere quæ sunt extra animam, ipsum inquam uisibile atq. audibile cuius causa hæc est, actu namq. sensus singulare est, scientia uero uniuersalium, hæc autem quodammodo in ipsa anima sunt, quapropter intelligere quidem cum quispiam uoluerit, in ipso est situm, sentire autem non collocatur in ipso. Ex quo sane loco colligunt Græci cum Auerroë, intellectum solum esse formarum intergarum, atq. circa eas uersari, cum enim uniuersalia indiuisibilia sint atq. incorporea in anima, quæ incorporea est manere possunt, sensilia uero quæ corporea sunt minime intellectus igitur solum mouetur, actumq. suum exercet per huiusmodi formas quas statuit. Uniuersalia ab uniuersalibus in prædicando distincta. atq. illa esse prima uniuersalia quæ quidem cause sunt particularior, & nihil aliud sunt quam formæ ipse intelligibiles, quæ a phantasmatibus distinguuntur, quoniam ille actu sunt in intellectu, actumq. intelligibiles, phantasmata uero solum potestate huiusmodi sunt atq. uniuersalia, præterea quod phantasma proprie cum nihil aliud sit, quam respectus nature communis in ipso singulari repperit, uniuersale existit, aptum sit speciem uniuersalem producat.

Præterea intellectus si singulare intelligit, aut intellectu agente aut. possibili, non agente cum ille solum se ipsum intelligat ex Arist. atq. Auer. sec. lib. 3. de anima, non materiali, quoniam non distingueretur receptio illius a, receptione primæ materiæ, quæ est formarum singulare, quod tamen falsum est, quoniam cum forma uniuersalis sit, solum uniuersales formas uniuersaliter recipiat. Præterea sequeretur intellectum speculatiuum ab actiuo minime distinguui, quia formas in ipsis phantasmatibus etiam intelligeret, quod tamen tantum actiuum præstare tradit. Arist. lib. 3. de anima context. 32.

Quæ quidem directo pugnant cum Buccij opinione, quæ singulare per se a nostro intellectu intelligi proficitur, cuius etiam adhibitis rationibus a nominalibus desumptis, quas ne critas erigat cum sua dispo. ridicula de cognitione singulare dissoluere properabo, etiam si Zimarra, Gandauensis, Iauellus & alij uiri docti illas subuerterint.

A priori uero initium sumam, in qua hoc pacto arguit, illud per se a nostro intellectu intelligitur, quod est maxime ens, singulare est huiusmodi igitur. Respondeo minorem simpliciter ueram nequaquam esse, quoniam ipsum uniuersale sit maxime tale, singulare uero ut recte notant interpretes, secundum famositatem, uniuersalia enim in causando int. Deus, prima materia, intelligentiæ omnes sunt maxime entia, cum esse singulare ab illis dependeat, quo-

fin

g

niam

niam sint entia per participationem non autem secundum essentiam. Hinc Deus est summum & primum ensa quo cætera omnia dependent. falsum præterea est, quod Buccius subiungit, uniuersalia nihil esse aut posterius, quonia hoc solum ex sen. Alex. omniumq. Græcorum lib. 1. de anima, de uniuersali ut genus hoc est de uniuersali in prædicando, ueritatem habeat, non autem de uniuersalibus in causando, quæ sunt per se Entia.

Ratio secunda quæ nritur erat nisi intellectus per se singularia intelligat, manca erit illius cognitio, quæ sanè ratio concluderet, si nullo modo singularia intelligeret, cum autem illa nobiliori modo quàm Sensus cognoscat, suam perfectionem intellectus seruat, cum omnia intelligat cum materialia tû in materialia ex Ar. 1. sen. lib. 3. de anima: Cum uerò subdit, nisi singularia intelligat, non poterit ab illis species colligere, Dicimus satis esse intellectui ut a phantasmatibus quæ sunt formæ internæ moueatur, in abstractione, nec uerum est, quod a singularibus extra animam moueatur intellectus. ueluti Buccius putat, cum id iam docuerimus Arist. repugnare fib. 2. de anima contex. 62.

Ratio tertia, quam adhibet, desumptam ex intellectu operibus, facillime tollitur ex his, quæ Arist. tradit lib. de memoria & reminiscencia, quonia ea uideatur intellectus præstare, media cogitativa, quæ quidem est intellectus in homine particularis, quare fieri potest, ut præmissæ, quæ sunt uniuersalia complexa fiant a cogitativa, intellectus uerò ex illis conclusionem colligat uniuersalem. Cum enim maximam similitudinem atq. propinquitatem cum intellectu habeat, in his operibus illa intellectus utitur. Nec urget similitudo sensus communis allata.

Nam sensus communi cum sit uirtus, quæ de proprijs obiectis iudicium facere debet, necessarium est, ut utrumq. cognoscât, cum sit uirtus particularis, intellectus autem cum sit uirtus uniuersalis, illi sat est, ut moueatur a singulari, quia discriminè uniuersalis & singularis cognoscat, per rationes & quidditates utriusq. quæ sunt uniuersales. Nec etiam uerum est, quamcumq. potentiam, quæ discrimen inter duo diuersa cognoscit, utraq. cognoscere, propterea quod id solum requiratur, quando non sunt apta cognosci, præterquâ notitia unius generis, ut puta notitia sensitua, uel sola intellectiua, uelutiduz species specialissimæ: singulare autem cû aptum sit a cogitativa cognosci, uniuersale uerò ab intellectu, iccirco intellectus utens cogitativa, uniuersale a singulari distinguit, quare Arist. auct. a Buccio proposita, solum ueritatem habet, quando utrumq. extremum solum aptum est cognosci notitia, quæ sit unius generis: nec ob id necessitas sensus communis tollitur, ut putat Buccius, imo requiritur in discrimine priorum sensibilibus.

Ratio quarta opus abstractionis noticiam singularium postulare, tenuissima est, quoniam solum postulat cognitionem naturæ communis, quæ reperitur in singularibus, quia intellectus solum a, phantasmatibus & speciebus internis

nis moueatur, non autem ab externis ueluti antea docuimus.

Ratio quinta qua utitur eum prima philosophiæ rudimēta ignorare aperte ostendit, nec mirari non potui, huiusmodi ratione illum cum Francisco Piccolomineo celeberrimo philosopho uti, nequaquam erubuisse, cum peripateticorum nullus ex Arist. sen. docuerit, materiam primam unam numero, atq. singularem fore, propterea quod sequeretur illam incommunicabilem esse, cum unum numero definitum ex Arist. dogmatibus in Metaphy. sit incommunicabile, ut Socrates, sequeretur deinde falsum esse illam priuatione siue negatione formarum atq. analogia intelligi, quemadmodum Buccius asserit, non potui non dolere, cum uiderim in tam apertum errorem Buccium incidisse, in quo in primis physiologiæ initijs toto cœlo aberrat, res profectò publico philosophiæ professore indigna.

Ratio sexta qua utitur hæc est, intellectus propositionem astruit ex subiecto singulari prædicatoque uniuersali, ut in hac Socrates est homo, deinde uerò a singularibus proprietates negat, igitur necessarium est, ut per se singularia cognoscat. Hæc ratio nihil concludit, propterea quod intellectus asserimet & neget proprietates de aliquo singulari, non quatenus est suppositum hominis, sed quatenus habitudinem habet ad uniuersale, sub quo comprehenditur, quo quidem modo non est indiuiduum loco & tempore signatū, quemadmodum tradit Auer. lib. 3. de anima com. 9.

Ratio septima, qua nititur, hæc est, singulare definitur, ergo per se intelligitur. Assumptum propositum negamus, quoniam id aperte Arist. repugnet lib. 8. metaphys. ubi passim docet definitionem solum uniuersalis esse & speciei, ut circuli, nō autem huius circuli, quoniam de singularibus scientiz esset, quatenus singularia & corruptibilia, si illorum esset per se definitio, quod etiam aduersus Platonem Arist. docet, quoniam singulare solum a sensu exteriori cognoscatur. Nec urget quod subscribit, non definiri ut meras notiones sed ut sunt in singularibus, quoniam hoc nō efficiat ut singularia definiantur, sed ut non definiantur ac si essent cum Ideis Platonis a singularibus penitus separatæ. Nam singularis quatenus singulare est nullam definitionem fore eo constat quod nec singularis æterni definitio sit atque demonstratio ex Arist. præceptis lib. 1. Post. nec non lib. 7. Metaphy. contex. 55.

Postrema etiam ratio quam Buccius attulit, conimunis admodum est, intellectus obiectum est totum Ens, quod uniuersale atq. singulare continet, igitur necessarium etiam est ut singulare intelligat. Nam ratio hæc nihil concludit, quoniam ad cognitionem Entis fat est, ut sub ratione entis atq. eminenter singulare cognoscat, non autem quatenus singulare, quia sequeretur intellectū solum hoc aut illud singulare cognoscere, quod falsum est, cum id ex Arist. sen. etiam sensui repugnet, qui quidem est coloris non autem huius coloris, ob eandem rationem. Buccij autem rationibus dissolutis, operæ pretium est, ut eas quas pro Ariminense attulimus, etiam dissoluamus, ne cætera quæ in ue-

g 2 ram



ram huius dispositionis determinationem. Baccus cum suis Nominalibus  
proposuit scrupulum aliquem relinquunt.

Rationes autē Ariminensis facillimè dissolvuntur quæ pro eo attulimus pri-  
mæ autem non cogit, quoniam supponantur singularia ab intellectu ut nota  
sensui, non autem intellectui, cum omnis nostra cognitio ab ipso sensui de-  
pendeat, quare etiam si utrumq; intellectum cognoscere opus sit, quoniam  
illa distinguo, notatam secundum eandem rationem, quia directe universa-  
le, reflexe vero ipsum intelligat singulare. Secunda præterea hunc in mo-  
dum dissolvitur, minimè cognoscet singulare ab intellectu, ut indistinctum to-  
co & tempore signatum, sed ut est suppositum hominis, quod habitudinem  
habet ad universale, sub quo comprehenditur. Tertia vero ita collitur, quo-  
niam cum abstrahit tunc cognoscit singulare, ut est potentia universale, non  
autem actu singulare. Quarta diluitur propositionem Arist. veram esse in no-  
ticia generis, non autem in simplici qua solo intellectu nititur. De opinio-  
nibus Antonij Andree & Zimæ cum ex illis distinctionibus aliquid boni  
habeant eas sub accidentibus resumimus atq; cum quamvis nostræ sententia  
positum loco proposuimus solam dubitatione casere atq; peripateticam fo-  
re offendimus. Nam cum alia species notitiæ in nobis non sit, præter eam,  
quæ ab effectibus ad causas progreditur, aut quæ in solis causis consistit, qua-  
rum aliz sunt priores aliz posteriores, aliz universales, aliz particulares,  
aliæ remotæ, aliæ vero proximæ, ex Arist. de Culina lib. 1. phys. Et videntur  
primum cognoscere a quibus in utroq; processu aperiuntur, nec in priore  
quidquam primo cognoscitur, quanto effectus in posterioribus id quod magis  
commune est, quia utrumq; confusum sit, & rationem rectius habere. Nec  
obstat, quod Arist. postuleret, alia potiora nobis alia natura, notitia no-  
bis esse singularia, quia eo loco Arist. non accommodat distinctionem eam  
alicui determinatæ notitiæ, veluti lib. 1. phys. in quo duos processus proponit,  
communis veluti universalis in causando & prædicando in cognitione intel-  
lectiva priora sunt, minus vero communia posteriora, quia ut notitia confu-  
sa distinguatur antecedit, ita etiam ea quæ confusa sunt, præcedunt eas, quæ  
definitæ sunt, quam quodammodo attigit Thomas Antoniusq; Andree, nec  
aliter sentiendum est, cum hoc sit in aia Arist. axioma inducitur, sensum  
ab intellectu distingui, quod sit, sensus singulare, intellectus vero univer-  
salem, nec eadem ratione intellectum utrumq; intelligere, cum reflexe sin-  
gulare intelligat, directe vero universale, ex Arist. lib. 3. de anima 9. Essen-  
tiam carnis non carnem per se intelligat, quarum cervicosi illi sunt, qui in  
re hæc aliter scribere, Aristoteliq; dogmata evertere nequaquam erubuerunt.  
Constituendum igitur in dogmatibus peripateticis est, per se singulare aut  
primum secundum quoddam singulare, nequaquam a, nostro intellectu intelli-  
gi, sed reflexe & per accidentis, quemadmodum expresse lib. 3. de anima con-  
tex. 10. Arist. docuit & alijs suis operibus. Nec alicuius sunt momenti quæ  
Bucciis

Buccius in hunc modum cognoscendi proposuit, quia directe feratur in obiectum, quod singulare est, quoniam id penitus falsum sit, cum intellectus directe informas internas feratur, non autem externas, quemadmodum ~~ante~~ docuimus ex Arist. sen. lib. 2. de anima. contex. 62. quæ quidem formæ non sunt uniuersalia in prædicando sed in cauſando. Nec Auer. inuentum est de cogitatione cum illam Arist. aperte lib. 3. de anima introduxerit, quo loco ~~metaphisicam~~ nem habet de intellectu passiuo, qui in hominis intellectu corrumpitur, quamobrem, post mortem non recordamur operum uitæ, quod lib. de mem. & remin. docet, nec de eius intellectu circa singulalia uersari, singulare igitur quatenus singulare cum sit materiale, nulloq. modo secundum quod materiale ab intellectu cognoscatur. ideo singulare solum reflexe ab intellectu cognoscitur, quia speciem intelligibilem cognoscit separatam, scilicet ab ipso phantasmate, de quo copiose differit Thomas in questionibus de Veritate. Nec præterea iungit, quod a Buccio in determinationem proponebatur, quoniam reflexio quam Arist. adhibet cognitioni singularium, minime eadem sit, cum reflexione corporalia & materiali, nec ad singulare, ita ut ab uniuersali ad singulare descendat, sed intellectus a, formæ rei singularis, quæ in phantasia est excitatus, ad illius quidditatem reflectitur, in qua intelligitur singulare non tamen quatenus singulare, sed quatenus est potentia uniuersale. Quare minime uerum est, intellectum ferri directo in obiectum, quod actu in rebus existit, sed ad illud quod actu est in ipso intellectu, quia ad ea quæ actu in rebus sunt, cum sint formæ sensibiles atq. extrinsecæ, intellectus nequaquam feratur, sed tantum sensus. Quod uero subdit, uniuersale pro re nullo modo actu existit: nisi potentia in rebus, falsum est, quoniam uniuersalia in cauſando quæ sunt uniuersalia pro re actu per se sunt ut Deus intelligitur. ideo dicuntur uniuersalia ante rem. & hæc priora sunt singularibus, uniuersale logicum sit quidem ab intellectu, non autem physicum, taleq. est in singularibus extra animam, nec ob id sequitur quod debeat primum intellectus intelligere ea quæ actu sunt ut singularia, quia intellectui sat sunt quidditates rerum, ut omnia materialia intelligat, quæ in intellectu actu esse habent. ita ut tantum de uniuersali pro intentione, non autem de quocumq. uerum sit, illud ab intellectu fieri, quoniam etiam cessante intellectu operationis est natura aliqua communis in rebus, ut prima materia si enim uniuersale singularibus posterius foret, sequeretur Eternum posterius esse corruptibili, quod falsum est. Erit igitur uniuersale ante rem secluso intellectu, quamuis illi non conueniat uniuersalitas, quia uniuersale ante rem non dicit intentionem, sed naturam uel fundamentum intentionis remorum, quod etiam asserendum est de uniuersali in re.

# Antonij Bergæ.

## Disputatio de Regressu.



VM philosophiæ studiosi me admonerent, ne in hoc meo commentario disputatione de Regressu, prætermitterem, ut illis omni ex parte satisfieret, etiã si logica magis quàm naturalis uideatur, huiusmodi disputatio, illam tamen breuiter atq. exacte attingere institui, cum philosophi celebres adhuc ambigant, an in naturalibus demonstrationibus detur nec ne, in qua sanè disput. hac methode incedam, primum quid nam regressus ipse sit docebo, secundo loco opiniones cum rationibus, quibus potissimum nituntur recensebo. Postremo autem quæ nam peripatetica uideatur, demonstrabo, nec non rationes diluam, quæ illam oppugnare uidebuntur.

Quod autè ad primum attinet. Regressus nihil aliud est, quàm nexu quorum processuum, quorum alter ab effectu in causam, alter uerò a, causa ad effectum progreditur, qua sanè ratione a circulo distinguitur, qui quidem nihil aliud esse uidetur, quàm reditus ab eodem in idem in uno atq. eodem processu. Qui igitur regressum dari negant. his potissimum rationibus nituntur, primū autem quoniam ex Arist. sententia cōspicuum sit, quamcumq. noticiam ex notioribus esse, quo quidem posito. In secundo processu aut erit causa magis nota, aut minus, aut equaliter cum effectu, non magis, cum ex effectu cognita fuerit, non minus quia minus notum nullam fidem efficit, non etiã equaliter, quoniam sequeretur secundum processum non esse a, notioribus. Præterea agens cum non agat ultra proprias uires, causa cuius si est tantum habetur in secundo processu ipsum propter quid dare non potest. quoniam nullo modo datur regressus ad eandem passionem, sed tantum ad diuersas, quemadmodum colligitur ex Arist. lib. 3. phys. 3 1. & 4. 4 1. in tractatione infiniti & loci, quo loco non regreditur ab eiusdem accidentibus a, quibus processit, qui uero Regressum admittunt, inter se dissentiunt, cum alij cum negotiatione intellectus, alij uero absq. negotiatione introducant. Ratio autem qua potissimum utrique nituntur, huiusmodi est nisi regressus concedatur, hoc sequetur in primis incommodum, aliquod scibile reperiri, quod quidem numquàm sciretur, propterea quòd in primo processu procedimus ab effectu ad causam, in quo solū causam esse cognoscimus. In secundo autem propter quid effectus cognoscitur, si ergo secundus processus nequaquàm detur, propter quid effectus ignorabitur. quo posito, sequetur demonstrationem propter quid nequaquàm dari, quod falsum est, in regressu tamen alij negotiationem introducant, quoniã priusquàm regrediamur a, causa ad effectum, primum necessarium sit expendere, an causa propinqua sit an uero remota. cum id minime habeatur ex processu ab effectu in causam. Qui uerò negotiationem reiiciunt, dicunt id per accidens contingere, propterea quòd regressus uere sit a causa immediata ad suum effectum, & econtra. ubi negotiatione opus nequaquàm est. Quod uerius esse cum arbitremur

mur iccirco. Regressum dari profiteamur, absq. negociatione intellectus, quo quidem utitur Arist. lib. 8. phys. cum ex motu æterno motorem æternum concludit, & e contra, nec non lib. de cælo, cum stellas sphæricas ostendit quoniam fixæ sint, atq. fixas iccirco esse, quoniam sphæricæ sint, demum autem lib. 6. phys. contex. 15. si magnitudo diuisibilis in infinitum uelocitas tarditasque crescit in infinitum, & e contra, quibus locum 2. post analyt. addere possumus, ubi inquit quod non scintillat prope est & e contra, ubi etiã ex madefactione terræ pluuiam concludit, nec non ex ipsa pluuiâ terræ madefactionem. eo enim tantum utitur Arist. in conuertibilibus in quibus nulla est opus intellectus negociatione. nisi due fortassis ad eundem effectum causæ concurrant de quibus ignoramus, quæ nam illarum causa sit immediata, ut cum dicimus lumen & motum causas caloris esse. Rationes autem quæ opinionem hanc impugnare uidebantur, facile diluuntur. Ad primam igitur dicimus causam magis notam esse in secundo processu, quoniam suo loco collocata cum sit, propter quid de ipso effectu reddere potest, quemadmodum colligitur ab Arist. lib. Top. 6. quo loco docet idem contingere in ipsa rerum definitione, cum partes definitionis suum locum obtinuerunt. in secundo itaq. processu causa cuius si est primus reddidit processum cum sit in suo loco, præstat quicquid causæ conuenit, hoc est propter quid ipsius effectus, cum autem dicebatur non esse ad easdem passiones, dicimus tunc uerum regressum minime fieri. constituendum ergo est in naturalibus demonstrationibus, quæ a causa immediata ad suos effectus incedunt, aut e contra, uerum regressum dari absque negociatione intellectus, quo quidem utitur Arist. in rebus difficillimis, ut exactam magis notitiam consequamur. Hæc sunt quæ ut alijs non autem mihi aliqua ex parte satisfacerem, prælo cõmittere uolui, ne mihi aliquando Buccianis imposturis cedere contingeret, etiam si illis subrepticium testimonium adiunxerit, quemadmodum nonnulli eorum qui ad id rogati fuerunt palam testati sunt, cum uiris alijs candidis & præclaris, qui ut æquitas ipsa postulabat, incorruptam fidem præstiterunt, omnium eorum, quæ in ipsa totius disputationis præfatione ad Buccij calumniam retundendâ proposui, inter quos amplum testimonium Excellentissimi in Academiâ professores fecerunt, Dominicus Bonus Lucensis Sereniss. Ducis medicus, & praticus matutinus. Bartholomeus Ferrerius logices publicus professor quem Buccius falso testem adhibuerat. cum die disputationi constituta abesset. Bartholomeus Saluius, Theoricus Pomeridianus, nec non Baptista Femellus logices publicus ex ordine professor cum alijs multis philosophiæ medicinæq. studiosis, quorum testimonium ne duellatorem agere uiderer meis lucubrationibus addere nolui, cum id præstare uiro ingenuo atq. philosopho in dignum proculdubio uideatur. Nam me disputationem recusauisse cum eo nequaquam putandum est, qui in congressibus semper obmutuit, præsertim cum ab eo sciscitari, an species ipse intelligibiles substantiæ an accidentia forent, ad quod etiam semel atque interum interrogatas, nihil aliud respondere potuit, quem

spectra

## Antonij Bergæ.

Specula atq. simulachra esse, de quo nemo mirabitur, cui doctrina huius hominis nota fuerit, qui adeo stupidus est ut primo cap. sue dispu. admittere nequeat, scientiam non esse cognitionem distinctam, cum tamen scientiam que ex communibus causis oritur, distinctam minime fore, etiam philosophi Epicuri intelligant, quia distincta tantum illa sit, que ex propriis ducta est: Quam quemadmodum cetera que edidit, illum prima peripatetice discipline dogmata ignorare satis ostendit, in quibus etiam sibi consistere non potest, cum modo in unam, modo in alteram sententiam inclinet, dogmatibusq. dubijs propofitis, nequaquam erubescat, meas rationes dissolvere, quod Burcius logicæ præcepta ignorare aperte indicat, in quem fusius inueherer, illius lucubrations quæ sex Petro Brucellano, Inguen Burleo Burlesco Buridano ridiculis sophistis ad uerbum desumpsit, succo quodam dicendi adhibito, mea opera digni viderentur.

FINIS.